

難
峯
普
濟
方

雞峯普濟方卷第十三

馮翊賈兼重校定

治熱

丹毒千金論曰丹毒一名天火肉中忽有赤如丹塗之色大者如手掌甚者徧身有癢有腫無定色有白丹者肉中腫起癢而復痛微虛腫如吹狀隱疼起也有雞冠丹者赤色而起大者如連錢小者如麻豆狀肉上粟起如雞冠肌理也一名茱萸丹有水丹者由徧身熱起遇水濕搏結丹晃晃黃赤色如有水在皮中喜著股及陰處此雖小疾不治令人至死治之皆用此升麻膏

升麻膏兼治風熱上攻頭面及項背腫赤等

升麻

白斂

漏蘆

連翹

芒消

黃芩 各貳兩

蛇街

枳實 各叁兩

蒴藿 肆兩

梔子 肆拾个

右微搗之水三升浸半日以猪膏五升煎令水氣盡去
滓膏成膏傳諸丹日三及熱瘡腫上

七疝散治疝氣

茴香

川練子 每個鑽壹窠子

解塩

桃仁

麩 各壹兩

斑猫 肆拾玖个

右同炒桃仁熟取出放冷去班猫并麩爲末每服一錢
空心温酒調下

平肺元治上焦有熱微寒外乘客滯肺經寒熱相交上搶
咽隔成咳嗽不已或邪氣留連日久積動經絡或有惡物

或胃滿氣促或飲食進退或寒熱不常及治咳嗽氣嗽齧嗽喉中呀齧不得睡卧宜服

真桑白皮

去赤皮剉半寸清水米泔浸拾伍日漉出焙令乾貳兩

貝母

防已

甘草

杏仁

去皮尖雙人者麩炒赤剉研各壹兩

右爲細末水煮麵糊和元如梧桐子大每服三十元食後臨卧生薑湯或橘皮湯下

地黃元治心熱太過三焦不順夜卧不寐退熱安神

生地黃

壹兩

人參

白芍藥

當歸

各半兩

甘草

壹分

右爲細末煉蜜和元如彈子大臨卧濃煎淡竹葉湯嚼

下一元常服養榮衛用人參湯下

棗煎除風熱之疾

棗汁升

白蜜貳合

生薑汁壹合

右重湯煮棗汁三升入鹽酥再煎三沸下薑汁蜜等再熬合得所下不津器中貯之每服一合和酒調服大理百種風疾

芍藥黃耆湯療陰不足則陽偏陽偏則發熱若熱從背起或從手足漸遍身口舌乾燥思欲引水時躁悶此由陰氣虧少少水不能滅盛火蓋諸陽起四末循行於背陰不能斂陽所以發熱或晝發而夜寧或夜發而至旦即清其脉虛疾而小宜服此

白芍藥

兩 叁

黃耆

甘草

青蒿

各壹兩

右為麤末每服五錢水二盞煎至一盞去滓溫服不以時

參橘元

療熱從腹起上循胷腋繞頸額初似溫々漸至大

熱發作無時遇飢愈劇中脘不利善食而瘦面色蒼肌肉不澤口唇乾燥此由脾氣素弱曾於他病羸後誤投熱藥入於脾々熱則消穀引食善消肌肉其脉濡弱而疾治之

黃橘皮

兩 叁

麥門冬

人參

各壹兩

右為細末煉蜜為元如桐子大米飲下三十元

大建中湯

療熱自腹中或從背脊漸々蒸熱日晡則劇至

夜漸退或寐而汗出小便或赤或白而濁甚則頻數尿精

夜夢鬼交日漸羸瘦此由思慮太過心氣耗弱陽氣流散精神不収及陰無所使治屬虛勞

白芍藥

兩

黃耆

遠志

當歸

澤瀉

龍骨

人參

甘草

各貳兩

右為鹿末每服五錢水二盞生薑五片棗一个擘膠少許煎至一盞去滓溫服食前

論及方

若自腰已上發熱極則汗出出已涼移時如故復加昏冒腹中膨滿其氣上攻時時欬嗽引脇下牽痛睡中驚悸其脉弦急帶疾此由外寒搏客內冷相合寒則氣収而水液聚而不行內化成飲醫以熱藥攻寒寒未已而復增客

熱陰寒內閉拒陽於外而不得入逼陽上行發而為熱散而為汗
汗多亡陽心氣內虛故公驚悸治屬飲家溫而利之宜與石元
若熱起骨間煩疼手足時微冷旦起躰涼日晚即發背
脊牽急或骨節凸起足膝酸弱此由邪熱加陰畜留骨髓
髓得熱則稀髓稀則骨中空虛陽入於陰虛則水少脂
液乾枯熱蒸骨軟而凸其脉沉細治屬骨蒸宜蘆根湯補
髓元

蘆根湯

蘆根

麥門冬

赤茯苓

芍藥

各壹兩

地骨皮

貳兩

右為鹿末每服五升水二盞煎至一盞去滓溫服食後

補髓元

生乾地黄

兩

乾漆

半兩

右為細末煉蜜和元如菉豆大米飲下三十元空心臨卧服

若自胃已上至頭髮熱口臭氣塞時如煙薰目澁咽燥口乾唾如凝脂時欬毛竦大便不利小便赤黃此由肺氣不調邪熱乘客上焦不降其脉疾大先與桔梗湯熱不退與五味子湯

桔梗湯

桔梗

兩

人參

麥門冬

甘草

各半兩

小麥

合

右呖咀水三升煎至一升去滓分三服

五味湯

柴胡

兩肆

半夏

壹兩
壹分

黃芩

赤茯苓

五味子

各壹
兩半

右爲麤末每服五錢水二盞生薑三片棗一枚煎至一盞去滓溫服食後

柴胡芒硝湯

治旦熱不休日晡尤甚口中勃々氣出耳无

所聞或時昏睡々即浪言意欲喜冷小便赤色大便不通此由三陽氣盛外蘊經絡內畜腑臟或因他病誤服熱藥而致其脉洪數病久者短疾

柴胡

兩肆

黃芩

甘草

赤茯苓

各壹
兩半

半夏

壹兩
壹分

右爲麤末每服五錢水二盞生薑三片棗一箇煎至一盞去滓入芒硝一錢攪勻溫服以利爲度

橘皮甘草湯

療若身大熱背微惡寒心中煩悶時欲嘔

渴不能飲頭目昏痛惡見日光遇涼稍清起居如故此由飲食失宜胃中空虛熱留胃口其脉虛大而數謂之中暑

橘皮

兩

生薑

兩

甘草

兩

右咬咀水三升煎至一半去滓分三服不以時

白虎桂枝湯

治間日發熱昏昏多睡熱過則清快至其發

時還復如故每發必數次頭痛身躰拘倦此由肺素有熱氣盛於身厥逆上衝中氣寔而不外泄其氣內藏於心外

舍於分肉之間令人消燥肌肉其脉弦大而數謂之疸瘡

石膏

片

知母

兩

甘草

桂

各三兩

右為鹿末每服五錢水二盞粳米三十粒煎一盞去滓溫服非時

澤瀉湯

治身熱汗出煩滿不為汗解此由太陽之經先受

風邪與熱相搏腎氣上行風與熱搏則為汗腎氣厥則煩滿謂之風厥

澤瀉

兩半

白朮

防風

各三兩

石膏

赤茯苓

各壹兩

右為鹿末每服五錢水二盞煎至一盞去滓溫服

兔絲子煎

治四肢發熱逢風如炙如火此由陰虛陽盛諸

陽起於四末少水不能滅盛火而陽獨治於外宜服此

兔絲子

五味子

各壹兩

生乾地黄

各兩

右為細末米飲調下二錢食前

空心平補元子

治發熱不解五心煩熱不得睡發渴喫湯

飲初先頭痛壯熱

生乾地黄

黃耆

白茯苓

楮實子

枸杞

山藥

槐實

沉香

澤瀉

白蒺藜

等分

右為細末每服二錢水一盞煎至七分和滓溫服非時

又方非時飲子

人參

黃耆

赤茯苓

白朮

麥門冬

白扁豆

茯苓

甘草

各等分

右為細末每服二錢水一盞煎至七分去滓溫服非時

大便秘

枇杷葉散 適適陰陽和養脾胃兼治食飲易傷腹脇痞滿

口乾多渴常欲飲冷四肢倦怠大便不利

人參

枇杷葉

去毛以蜜汁炙令黃

白朮

陳皮

前胡

藿香葉

白茯苓

各半兩

桔梗

甘草

各壹分

白豆蔻

半夏麴

各半兩

右為細末每服二錢水一盞入生姜三片棗一枚同煎

至六分去滓食前溫服

宣壅元 治大便秘滯有三一者三焦五臟不和熱氣小偏

入腸胃二者風客三焦氣弱傳道不利三者腎虛水少脘
腸乾澀皆令大便秘滯並宜服

麻子仁

郁李仁

並去皮各取兩研為膏

陳橘皮

羌活

川芎

木香

各壹兩

檳榔

貳箇

右同為細末与麻子仁郁李仁膏同研煉蜜和元如梧
子大每服二三十元熟水下不以時

四順飲子

治大便不通面目身熱口舌生瘡上焦冒悶時

欲得冷此三陽氣壅熱併大腸其脉洪大

大黃

赤芍藥

甘草

當歸

等分

右為鹿末每服五錢水一盞半煎至一盞溫服利為度

麻仁元

治氣虛秘滯

麻仁

去皮研

枳實

炒建西

杏仁

芍藥

大黃

各肆兩

製厚朴

貳兩

右為細末煉蜜和元如梧桐子大每服三十元熟水下不以時

神功元

疎解秘滯及風氣下流腰膝疼痛

麻仁

伍兩

大黃

叁兩

訶子

貳兩

人參

半兩

右為細末煉蜜和元如梧子大每服三十元熟水下不

以時不知加之以疎為度

小當歸元

治虛人秘澁潤養腸胃

當歸

叁分

桂

貳分

葳靈仙茸

壹兩

右為細末水煮麵糊為元如梧子大每服二三十元空

心生薑湯下不以時

紫蘇元治有虛熱秘滯

紫蘇子

黃橘皮各貳兩

知母壹兩

右為細末生薑自然汁浸過一宿許於重湯上煮熬成膏可元即元如梧子蜜湯下二十元

葳靈仙元 若年高之人津液枯燥無以潤養腸間乾澀氣

血俱衰艱於運化其脉燥大宜此葳靈仙元紫蘇麻人粥

黃耆壹兩蜜炙切

葳靈仙去土洗半兩

枳實壹兩

右為細末煉蜜和元如梧子大生薑湯下二十元又將紫蘇子麻仁研水取汁煮粥甚佳

備急元 治大便秘

大黃

乾薑

巴豆葶分

右為細末蜜和元如豌豆大米飲下一元羸人服一元

菘豆大以大便利為度

朱砂餅子治大便秘結

硃砂

長州尤佳

巴豆

條

水銀

壹皂大

右同用水熬一宿去巴豆水銀將砂細研蜜和成膏置心上立効

大橘皮元治大便秘

厚朴

橘皮

各壹兩

杏仁

伍兩

右為細末煉蜜和元如梧子大每服五七十元不以時米飲下

赤小豆散治大便秘

赤小豆

浸令牙出日乾陸兩

當歸

叁兩

右爲細末溫漿水調服二錢不以時

蒲黃散若純下清血者多因憂思之氣不散而乘於血或
怒氣傷肝逆氣上行血溢流散或飲酒過多熱入於陰而
傷於血其脈或散或澀者下血久不止也先與蒲黃散不
差與王瓜散方在後

木賊

壹兩

蒲黃

貳兩

右研勻每服二錢米飲調下不以時

薰法

野狐骨

艾葉

不以多少

右燒煙薰穀道以痛爲度

妙應元治氣虛有冷大便不通

金液丹

半硫圓

等分

右二味皆妙每服五七十元空心米飲下

橘皮杏仁元

治諸大便秘兼脚氣人秘尤佳

橘皮

肆兩

杏仁

壹兩貳錢半熟者

右爲細末煉蜜和元棗豆大每服五七十元白湯下不

以時

通腸元

治大腸乾結不通

厚朴

去皮生薑汁和膏炮乾爲細末

猪狹

等分

右用猪狹同和成膏元如梧子大每服三十元生薑水

下湯亦得

論

曰大腸爲傳道之官變化出焉獨受諸陽之濁或秘而

不利或秘而不通若其人腹脹痛悶氣絕胃中痞塞欲嘔此宿食留滯脾氣不轉其脉沉疾而實宜備急元方見頭痛門若但秘澁餘無所苦此由風搏肺經傳於大腸腸中受風津液燥少訖其脉浮澁謂之風秘宜脾約麻人元亦有氣下降而穀食不流行者其人多噫其脉短澁宜紫蘇元新產婦人亡血而津液少大便秘宜服之

小黃耆元治脘腸風熱大便秘滯及五痔結核

防風

壹兩

黃耆

貳兩

芎藭

半兩

皂子人黃

枳殼

各壹分

右為細末煉蜜和元如梧子大每服三十元不以時米飲下

治冷

葱白散治一切冷氣不和及本臟膀胱氣攻衝疼痛大治
婦人產前產後腹痛胎不安或血刺痛者兼治血臟宿冷
百骨節倦疼肌瘦怯弱傷寒帶癖服久尽除但婦人一切
疾病最宜服之

川芎

當歸

枳殼

厚朴

桂

青橘皮

乾薑

茴香

苦練子

芍藥

木香

神麴

大麥蘖

荆三稜

蓬莪朮

醋浸壹宿

人參

茯苓

各壹兩

乾地黄

壹兩

訶子

大黃

各半兩

右藥同為細末每有患者三平錢常服只二錢用葱白

二寸拍破用水一盞同煎至七分入鹽半錢和滓熱服
內訶子大黃二味或有用者或不用者蓋相度狀可
入此二味多不全用者須入大黃即服時不須入鹽也
木香散治臟腑冷極及久冷傷敗口瘡下泄穀米不化飲
食无味肌肉瘦悴心多嗔恚婦人產後虛冷下泄及一切
水瀉冷痢疾等

破故紙

木香

各壹兩

良薑

縮紗人

厚朴

各叁分

赤芍藥

桂

陳橘皮

白朮

吳茱萸

胡椒

各半兩

肉豆蔻

伍个

檳榔

貳个

右爲細末每服三錢用不經水猪肝四兩出筋膜批開

重重摻藥放鼎中入漿水一椀醋二茶脚許蓋覆煮
熟入鹽一錢葱白三莖薑一彈許同煮水欲盡空心為
一服冷食之或以漿水煮肝為元亦得如梧子大每服
五十元空心米飲下

三建元治氣極虛寒癖飲留滯胃中痰滿心腹疼痛氣急
不下飲食腹脹虛滿寒冷積聚

硫黃

礬石

烏頭

乾薑

吳茱萸

人參

當歸

蜀椒

細辛

皂角

桂

附子

各壹兩

右為細末煉蜜為元如梧子大每服十元米飲下一方
加天雄赤石脂

葫蘆芭元治元臟氣虛下焦冷攻臍腹脹滿疾痛皮胃腸連陰牽痛不可忍

葫蘆芭

茴香

各壹兩

木香

桂

去麋皮不得見火

當歸

半兩

附子

壹兩

阿魏

半兩

硫黃

壹兩

青橘皮

沉香

白豆蔻

各半兩

桃仁

貳兩去皮尖麤炒研

右除研藥外同杵為細末將研藥拌勻好酒一升半熬桃仁令稠和諸藥不成劑入白杵三百杵元如梧子大每服二三十元空心溫酒下日三服

山茱萸湯

東莎劉先生澆固足經益陽火玉抱肚法

山茱萸

生

吳茱萸

生各肆兩

胡椒

貳兩

大川烏頭

壹兩

蛇床子

生貳兩

高良薑

生壹兩

已上七味爲鹿末以好酒拌勻不可太濕裹一伏

時慢火炒令乾不得有煙取出冷

牡礪

肆兩炭火燒令赤取出放冷地上

乾薑

芩芩香

香白芷

浮萍草

陰乾各貳兩

右十二味爲鹿末每用水二斗以來秤藥半兩煎五七沸去滓盛盆內以氣薰足候通手淋洗如冷再煖亦得凡淋浴了着褰卧爲佳若小浴尤佳若欲坐湯中須用水五斗藥末一兩半煎十餘沸通手乃可坐之如冷再煖之以手淋腎脬一帶愈妙淋了便須就寢勿得見風五七日日一淋効不欲具述若卧覺腰膝微汗出尤奇須飽食可浴

正氣元 治氣弱中暴傷風冷胃膈痞悶嘔吐清痰脇肋膨

脹氣逆不通哕噫吞酸不思飲食霍亂吐利心腹疼痛

吳茱萸

兩

桂

兩

附子

乾薑

厚朴

萆撥

萆澄茄

兩

各貳

細辛

川椒

當歸

兩

各壹

右爲細末煉蜜爲元如梧子大每服三十元食前熱米

飲下

大阿魏元

治男子女人一切冷氣霍亂吐瀉元氣將脫四

肢厥冷本臟氣上攻築心悶絕不知人事及治傷冷傷寒

氣虛挾陰氣傷寒並宜先服此固真氣

阿魏

壹兩半以醋化入白麴參匙同和爲餅子炒令黃

硫黃

壹兩半

青木香壹兩

附子壹兩半浸

石菖蒲壹兩半

檳榔各壹兩

白木肆兩

乾薑

肉豆蔻

青皮

白豆蔻各半兩

右爲細末煉蜜和元如彈子大每服一元生薑湯嚼下

食前

葫蘆芭散治脾元積冷臍腹弦急引痛腰背面色萎黃手

足厥冷脇肋脹痛小便頻數及治育腸小腸一切氣痛

葫蘆芭

破故紙

沉香

茴香

巴戟

萆澄茄

川練子

桂各壹兩

附子

桃人

川烏頭各半兩

右爲細末每服二錢水一盞入鹽少許煎八分去滓空

心溫服

正陽丹 治下部虛冷

硫黃

陽起石

附子

乾薑

桂

葫蘆芭

破故紙

金鈴肉

茴香

各壹兩

木香

兩半

右爲細末饊餅和元如梧子大朱砂爲衣每服三十元
鹽湯下婦人醋湯下

大四神煎 治痼冷

肉豆蔻

丁香

厚朴

白朮

半夏

陳皮

硫黃

附子

乾薑

桂

各壹兩

右爲細末水煮麵糊和元如梧子大每服三十元空心米飲下

已寒元治素虛有寒冷

附子

川烏頭

乾薑

良薑

胡椒

萆撥

萆澄茄

紅豆

桂等分

右爲細末水煮麵糊和元如梧子大每服三五十元空心白湯下

養正金丹治中下寒冷進飲食暖脾胃

張會伯

硫黃

去砂別研

大附子

炮

乾薑

丁香

桂

厚朴

半夏

肉豆蔻

各貳兩

右爲細末酒煮麵糊爲元如梧子大朱砂爲衣每服二三十元加至七八十元空心米飲下老人服之尤佳

厚朴煎治脾胃久積冷氣不思飲食三焦不調中臟虛乏開胃進食

厚朴

貳兩

陳皮

訶子

乾薑

桂

各壹兩

附子

貳兩炮

茯苓

甘草

各壹兩

右爲細末煉蜜和元如梧子大每服三十元如大段鬲氣進食不得以水酒共一盞煎藥末二錢和滓下三十元棗肉和元尤佳

大硃砂元治冷積

硃砂

芫花

三稜

乾薑

皂角

巴豆

各半兩

五靈脂

川烏頭

各壹兩

右醋熬為膏可元即元如桐子大每二元薑橘湯下

八神湯

辟除霧露山嵐之氣消飲食補脾胃

神麴

麥蘖

青鹽

甘草

各壹兩

生薑

陸兩

胡椒

貳分

草豆蔻

貳個大者麴裹燒黃熟

丁香

貳分

右除丁香胡椒外將六味令杵成麁滓帶潤淹一宿焙乾八物同為細末湯點服不以時

二陽丹

補虛逐冷

附子

羊肉

肆兩炮附子蒸無息研為膏

桂

硫黃

陽起石

鹿茸

白朮

各壹兩

右以附子膏和元如梧子大朱砂爲衣空心鹽酒服三五十元

火疰丹 治脾元虛冷小腸氣發動疼痛及瘰癧冷氣腹痛

茴香

木香

各壹兩

硃砂

硫黃

乾蝎

白礬

各壹分

附子

半兩炮去皮脐

右爲細末酒煮麵糊和元如雞頭大每服二元略嚼破一元燒綿灰二錢酒調下

正金丹 治一切瘡冷補虛養氣

附子

炮去皮尖酒浸叁日切焙如要速用浸軟切焙

大烏頭

如上製

茴香

硫黃

各壹兩

巴戟

壹兩

乾薑

肆兩

肉桂

壹拾貳兩取皮至味

右爲細末淡麵和元如梧子大每服三十元米飲下空心食前

紫桂丹 治脾虛有冷飲食不入臍腹疼痛

蒼朮

神麴

各肆兩

良薑

油煎

乾薑

桂

大麥蘖

各貳兩

甘草

壹兩半

右爲細末煉蜜和元如彈子大每服一元細嚼空心米飲下

救陽丹 補虛療冷

附子

壹兩

烏頭

貳兩

乾薑

壹兩貳錢

防風

桂

牡蠣

人參

各半兩

右爲細末每服三錢水二錢煎至八分空心併三服効

赤元主寒氣厥逆

茯苓

桂各肆兩

烏頭

附子各貳兩

細辛壹兩

射岡如大棗壹个

右為細末煉蜜和元如麻子大朱砂為衣空心酒服一

元日再不知加至二元

大効蘿蔔元治諸冷積腹脹氣痛

蘿蔔子各壹兩

沉香壹分半

草豆蔻一兩半

白朮

青橘皮各半兩

右件除蘿蔔子為末別研麵糊為元如梧子大每服十

元老少皆可服

助陽丹治久虛羸瘠或因大病真氣虛耗陽微陰勝虛勞

百疾形寒脉結夜常異夢尸注傳涼多卧乏力或傷寒變證脉弱燥神明錯乱及療動傷脾胃痼冷堅積惡利膿血臍腹撮痛虛滑無數厥逆自汗

硫黃

附子

乾薑

桂

各壹兩

朱砂

半兩

右為末煮糊為元梧子大每服二十元食前米飲下

溫脾湯

治久積冷熱赤白痢

大黃

桂

各叁兩

附子

乾薑

人參

各貳兩

右為鹿末服三錢水一盞煎七分去滓溫服不以時

丁香神麴散

治大腸宿食久下白膿臟腑刺痛大便稀滑

或青或黑遇冷便劇飲食進退肌骸瘦弱

神麴

貳兩

肉豆蔻

丁香

各肆

良薑

伍兩

乾薑

陸兩

右爲細末米飲調服二錢一方草豆蔻丁香各四兩良薑五兩麴七兩半加乾薑六兩

訶梨勒散 治脾胃虛弱臟腑滑利腹脇脹滿臍腹疼痛水穀不消腹內虛鳴膏滿氣逆嘔吐惡心後重裏急心胃脹痛困倦少力不美飲食日久不差漸向羸瘦

訶子皮

四拾兩

官桂

伍斤去皮秤

附子

拾兩

肉豆蔻

肆拾分用白麴炙燒熟用

右爲末服三錢水一盞薑三片煎七分去滓空心食前溫服

伏火四神丹

治陽虛陰盛一切痼冷臟腑滑瀉

辰砂

雄黃

雌黃

硃黃

各貳兩

右四物槌碎用楮皮大帋一張有脊骨者兩面濃研好
松煙墨塗三兩遍令黑光色曝乾號曰崑崙紙用裹前
藥於淨室中掘地坑子一枚深四寸許闊狹上下四面
皆比藥角寬二寸以來用新瓦細末

新瓦不經雨者相摩取細末

置

坑子中約二寸許安藥角在內又蓋瓦末二寸許比地
面微高如龜背狀用炭七八斤在炉面上煨之徐々添
炭約用百斤不令減火候藥聲作漸次減炭直候藥聲
斷先芒歸躰方始住火取去餘炭用新黃土一大檐罨
兩伏時取出藥角剥去紙用椶刷子盆中淨水洗刷令
淨霜霧三夜早晚不令見日杵研爲極細末糯米糊元
如小雞頭大風乾每服一二粒或三粒溫酒或酒下忌

羊肉葵菜并茶一日

坑子勁八寸下用瓦末二寸四側齊空二寸並填末上蓋瓦末

正氣丹

治陰寒內盛元藏不足陽氣暴脫下焦傷竭手足

厥逆戰栗背寒腰膝冷重臍腹疼痛大便滑泄小便頻數行步息短色澤枯悴嘔逆喘急欬逆自汗霍亂轉筋寒疝及傷寒陰盛脉微欲絕溫固精氣大益脾胃

硫黃

附子

乾薑

桂

各肆兩

右為細末水煮麵糊為元如梧桐子大每服三十元食前熱米飲下

劉快活燒死砂子法

重校定死砂子法用玄零皮據藥無此名稱當是懸鈴也小椒是

百花鋪地面

玄零作蓋頭

是川椒紅

火從坤上起

硃砂死便休

右將砂子細研二兩玄零皮二兩百花合子內依歌子
使用三秤火燒盡為度先用糯米赤石脂固濟口縫次
用塩泥厚一指候火罷出之以棗肉和如桐子大每服
一二粒

火輪散 正陽固氣峻補下經治臟寒滑洩狀如傾注下痢
赤白膿晝夜無度臍腹疔痛嘔逆腸鳴虛滑夜起全不入
食手足厥冷面色青白漸致氣劣虛汗不絕

附子

貳个

肉豆蔻人

壹兩

乾薑

貳分

右為細末每服一錢食前米飲調下

鍾乳元

治虛冷

鍾乳粉

半斤

硫黃末

叁斤

乾山藥

壹斤

右爲細末用棗肉和元如梧子大每服七八元至十元
空心米飲或酒下

紫金丹 治冷

石燕子

赤石脂

大赭石

朱砂

硫黃

鍾乳粉

陽起石

各壹兩火煨壹伏時

已上各一兩研如粉入沙合子內以蛤粉糊口鹽
泥固濟候乾用炭十斤燒煨炭盡爲度

良薑

萆撥

桂心

乾薑

草豆蔻

肉豆蔻

已上各一兩爲細末

右用大附子二兩炮去皮臍用好酒一升半煎成膏子

和前件藥如雞頭大每服三三元空心米湯下婦人醋湯下

斷下湯治滑泄久不老者

赤石脂

伍斤

龍骨

陸兩

當歸

兩

右爲鹿末每服三錢水一盞煎至七分去滓溫服

溫勝散治大腸虛冷滑泄如刺

肉豆蔻

貳个炮出大毒

縮砂仁

叁个

右爲細末每服二錢粟米飲調下棗湯下亦得

救陽湯

治陽微陰勝風寒侵襲真氣暴衰形寒脉結神識

不明心胃痰滿嘔逆清涎頭目昏眩不覺倦卧自汗不止飲食不入下利頻併臍腹疼痛支軀困倦並主之

川烏頭

乾薑

各肆兩搗碎同炒轉色

右爲麁末每服三錢水三盞煎一盞去滓食前溫服寒多加良薑二兩汗多加牡蠣一兩痰多加附子二兩風加防風一兩支節疼加桂一兩

二氣丹治虛冷

硫黃

水銀

右等分慢火結砂子糊和菜豆大丁香湯下五七元

豆蔻四神丹治虛冷

龍骨

豆蔻

硫黃

附子

乾薑

桂

各壹兩

右爲細末水煮麵糊和元如梧子大每服三十元空心

米飲下

燒中丹法

先煨砒煉錫花

每錫不以多少以新鐵鈹子鎔過錫屎三數遍凡錫一兩用水銀五錢以濕筋紙馳馬紙亦佳十來重下用濕布帕子揉取細錫花又三四遍候錫可擗如粉研碎爲度

煨砒

每砒五兩用黃丹四兩

佳者

錫花三兩同研極細用內有

坩者罐子外用鹽紙泥固濟別泥炉子留門竅子容上

下着火先放罐子在火內候罐子紅以長竹筒削如馬

耳盛砒寫入罐子內

恐手熱也

用新瓦作蓋子看火候得所

取出候冷打破罐子取砒

燒丹

每辰錦砂一兩用煨砒一兩同擣碎研細用甘鍋子一箇外以鹽紙泥固濟先熬鍋子乾下砂砒在內九十兩用炭一秤平放鍋子却以鹽泥作蓋子以醋紙數重先蓋了次用鹽泥蓋了發火候火尽經夕取出再研極細每煨過砂一兩用赤石脂二錢同研細以井花水元訖熬乾並入鍋子燒通紅爲度其燒錫花炉子三面作門子及用瓦條子作嘴眼

伏火中丹方

錫花法

黑生錫半斤以新鐵銚子溶成汁用新瓦一片底下着火瀉在瓦上再溶再瀉後只取精英五兩每兩水銀半兩同鎔急瀉在濕紙上如粉色佳自然研得如粉

琥珀砒法

砒霜五兩

精明白如王者佳

黃丹

肆兩色快者

錫花

叁兩

已上三味同研細以鹽泥固濟邛州罐子一个只用銷金銀鉗鍋子最佳厚三分許乾用風炉子底火四斤上面四下簇炭三斤中間坐空罐子內候火蜚出盡砒鎔清如水照人面有火光出取出放冷取如琥珀色過火色黑火小無光淨

中丹方

辰砂

無石絕佳者

琥珀砂

各伍兩同炒研極細

固濟一鉗鍋子亦用鹽醋紙泥固濟鍋子內先用醋薄泥三重如紙厚候乾入藥末以好紙五重醋濕過蓋上用薄泥一重四下立炭十斤煨火盡爲度候經宿取等子秤每兩赤石脂二錢同研細滴井花水元如桐子大焙乾再入鉗鍋通用炭火燒治男子婦人一切痼冷五勞七傷形寒脉結中風手脚不舉腸風五痔泄瀉疝疾婦人赤白帶下血崩並宜服之每服一粒大僊不足者五粒一服常服一粒空心溫水下有病者煎茅香湯下此藥不燥上有冷自去進飲食壯筋骨婦人產後血虛不止不思飲食瘦弱三粒一服忌羊血

煨中丹法

造錫花

黑錫不以多少用薄鐵銚子鎔成汁地上取去滓三兩次候滓子淨再鎔開先安排紙十餘張用水微噴過瀉錫在上急揉自成錫花未碎者再鎔

煨砒

錫花

兩叁

砒霜

兩貳

黃丹

兩壹

右同研入鉗鍋子坐在火上用新瓦蓋口以三四斤炭煨候鎔成汁急瀉在淨地上自如琥珀色

煨丹

朱砂

砒

各貳兩合研勻細

右以醋紙筋和白茶土固濟小口小埧罐子一箇約厚一指候乾入藥在內以箆子按實上用甘草茶末赤土和末子蓋面子次以瓦子作蓋子一箇與餅口相當留一缺子出氣却用前泥泥合口子只留筋頭大竅子一箇坐在灰上以火一斤來養半日令乾透泥合所留竅子不可令漏氣再養火半日用醋拌灰五升放餅子在內按如饅餅樣令實以火三十斤簇煨火盡取出青色乃佳研細每一兩入燒過赤石脂末二錢同研入粟米飲少許滴水元候乾再燒赤紅放冷於青埧碗中以帕子裹手出光服時再燒如常法

四神丹

羊蹄草
鋸子草

丁公藤
水境草

並等分爲鹿末撲之

朱砂

雄黃

雌黃

各壹兩

硫黃

壹兩半

右並各研細秤合之以醋紙和赤土泥固濟一內有坩者砂合子一箇放乾入藥在內以新瓦片子蓋炭火三四斤簇煨令鎔用指頭大新柳攪候火焰起以藥四件末少許撲之再攪旋旋如此候撓着如水柳枝上粘者色紫黑乃熟取下坐在灰上令穩以濕紙三兩張蓋之候冷打開取細研以棗肉菜豆粉糊元如雞頭大服如常法

安炉法

每用灰不以多少用醋拌過乾濕得所以篩子篩過將藥炉子先用厚瓦襯炉子以醋灰為老君塚炉子四邊

并上拍厚一指許用手按實以十斤火煨先從頂煨之
經宿取出揀出硃砂細研爲末棗肉九櫻桃大一日空
心一元熟水下

治冷令熱方

右內盛茱萸於牛膽中令滿陰乾百日每服二七枚綿
裹之齒嚼令碎內陰中良久熱如火

合光丹 治真陽虧少臟腑疼痛

辰砂五兩打如茱豆大勻用乳香半兩天南星末一兩
先將朱砂用密浴過上用金箔五片度過用天南星爲
底乳香爲麋末在上面安一張好紙上裹定用麵糊粘
合又上面用苦苣半乾又用一張紙角定糊粘實使土

作一方合上下用解鹽雍鹽實土合用鹽泥固濟下火五
秤燒如火盡於地下出火毒一日研細用生薑自然汁
煮糊爲元用銀石出光每服一元至三元空心米飲下

治心腹脹滿短氣

草豆蔻

壹兩

右爲細末每服半錢煎木瓜生薑湯調下

治陰冷漸漸冷氣入腹囊腫滿痛不得眠

生椒

不以多少
揀淨

右以綿裹着囊令厚半寸須臾熱氣大通日二次

治腹脹滿等二方

膨曰腹脹之狀上下膨亨或鼓之有聲

喘息不便由上者不降下者不升氣痞於中无所歸息三

焦渾亂若卒然脹滿餘无所苦此由脾胃不調冷氣暴折
客乘於中寒則氣收聚聚則壅遏不通是以脹滿其脉弦
遲先宜調中湯後宜寬中元

調中湯

厚朴

兩肆

枳實

兩叁

桂

兩壹

右為麤末每服五錢水二盞煎至一盞去滓溫服

寬中元

黃橘皮

兩肆

白朮

兩貳

右為細末酒糊和元如桐子大煎木香湯下三十元前食
雞矢醴三稜元若心腹滿旦食暮不能食此由脾元虛弱
不能克制於水水氣上行浸漬於土土濕則不能運化水

穀氣不宜流上下痞塞故令人中滿且則陽氣方長穀氣易消故能食暮則陰氣方進穀不得化故不能食其脉沉實而滑病名穀脹宜雞矢醴三稜元

雞矢醴

雞矢白 半升

右以好酒一斗漬七日溫服一盞溫酒調漱盡淨為佳

三稜元

京三稜

蓬莪朮

青橘皮

陳橘皮

各等分

右為細末白麵糊和元梧桐子大薑湯下二十元未知加三十元

附子枳實元

若腹脹時發時止發則腸間漉漉有聲痛引

脇下或時目眩頭痛大便秘澀心胃痞悶欲嘔者喜渴此

由脾元虛弱引飲過多水漬中脘伏留腸間其脉沉細而
弦謂之留飲先宜玉壺元方見別卷後宜此

附子兩半

枳實壹兩

右為細末煉蜜和搗三百下元梧桐子大飲下三十元

食前

若腹脹如鼓腹脉起其蒼黃以指彈之殼殼然堅按之不
陷此由脾腎久虛氣結不散氣道閉塞水氣橫溢土不勝
水其脉沉大而滑者易治細小者難治臍凸者難治大便
利者為逆亦有身腫大者本起於水四肢瘦削者本起於
氣大便利宜朱砂丹大小便澁宜商陸元

商陸元

商陸

木香

丁香

橘皮

附子

檳榔 各半兩

右爲細末白麵糊和元如桐子大椒人湯下三十元大
小便澁煩躁者去附子加瞿麥木通各半兩

硫朱丹

煉熟硫黃 壹兩

銀朱 壹兩

右以水浸蒸餅和元如桐子大飲下三十元食前服

桃仁元

癰病人覺腹內脹外視如常大便黑小便赤此由

風冷客搏於血血畜而不行其脉沉瀆多生於女人宜此

桃仁 貳拾

蜚虫

水蛭 各伍拾个

當歸 叁兩

右爲細末煉蜜和元如豌豆大 飲米下二十元以知爲度

木香橘皮元

治一切心腹滿症蕪蟲氣

乾蝎

兩壹

胡椒

木香

青橘皮

各貳分

蘿蔔子

兩半

右為細末飯米和元如萊豆大每服五七元至十元用薑橘湯任下溫酒亦得不以時

赤小豆元

治腹脹

赤小豆

好硫黃

各壹

附子

半兩

橘皮煎元

治脾胃不和腹脹食少

右為細末水糊和元如梧子大每服二十元空心醋湯下

陳橘皮

桂

乾薑

當歸

附子

炮去

京三稜

草薺

神翹

各陸兩

烏頭

木香

川椒

各壹兩

大麥冬藥

厚朴

各肆兩

右用無灰酒四升先煎上四味如人行十里更下次三味又如人行十里次入下六味又添酒兩碗煎成如膏以留出藥末相和杵一千下為劑元如梧桐子大每服二十元空心米飲下此藥若用銀鍋煎妙无即取熟使鎗淨洗無油膩先於鎗內塗好酥次下藥慢火煎不住手攪候如膏取出於淨盤中勻攤候硬軟得所然後元

迎補丹

一名太一赤元治陳寒痼冷

鍾乳粉

礬石

煨參 晝夜

硫黃

煨

陽起石

煨壹晝夜

各壹兩 開口粉

大川烏頭

炮去皮臍重 羅為細末

右五味合研勻水煮麵糊和元如桐子大朱砂爲衣每服十元至二十粒空心溫米飲下

洞陽丹補真氣去風冷通血脈

附子

天雄

烏頭

各壹兩

右三味同爲末入鍾乳粉一兩同研勻酒糊和元如桐子大朱砂爲衣每服一兩元空心溫酒下

雞峯並普濟方卷第十三

雞峯普濟方卷第十四

馮翊賈兼重校定

瀉痢

嘔吐附

瘧

鍾乳元治虛勞泄痢腸胃虛冷飲食不消腹內雷鳴疝刺疼痛

鐘乳粉

赤石脂

石斛

肉豆蔻

乾薑

附子

當歸

人參

白茯苓

龍骨

川椒

各壹兩

桂

訶子皮

各貳兩

神麴末

半兩

右爲細末酒煮麴末和元如梧子大每服三五十元空心米飲下

心米飲下

藿香飲子治膿血痢

藿香

白芍藥

米囊皮

黃耆

甘草

當歸

白茯苓

澤蘭

白頭翁

附子

乾薑

川芎

蒿豉餅子

右等分爲細末每服一錢水一盞入生薑艾七葉同煎至七分放溫去滓服

厚朴薑撥元治久痢不止食不消化

薑撥

陳橘皮

胡椒

白石脂

龍骨

各壹兩

乾薑

訶子皮

縮砂仁

白朮

各叁分

當歸

桂

各半兩

厚朴

壹兩半

右爲細末煉蜜和元如梧子大每服三十元米飲下不

以時

勝金黃連元治臟寒下痢臍腹撮痛腸鳴脹滿後重裏急
不思飲食久而不愈日漸羸瘦

黃蓮

兩五

龍骨

肆兩

草豆蔻

赤芍藥

當歸

乾薑

地榆

橡實

各貳兩

乾桑葉

木香

各貳兩

赤石脂

代赭石

各肆兩

右爲細末醋煮麵糊爲元如梧子大每服二十元至二
十五元空心食前煎艾醋湯下米飲亦得

香連元治藏氣虛止便泄下痢日夜無數怠惰乏力少米穀
不化膿血相雜臍腹疔痛氣虛痞滿腸鳴裏急

黃連

地榆

赤石脂

各貳兩

龍骨

阿膠

木香

艾葉

黃芩

各壹兩

肉豆蔻

壹兩半

史君子

叁分

赤芍藥

壹兩

右爲細末醋煮麵糊爲元如梧子大每服三十元烏梅米飲下不以時

葶撥散治冷痢腹痛不食四肢羸瘦

葶撥

訶黎勒皮

乾薑

各叁分

赤石脂

甘草

吳茱萸

當歸

各半兩

草豆蔻

附子

陳橘皮

厚朴

各壹兩

右爲細末每服二錢米飲調下不以時

龍胆元

治男子婦人脾胃虛弱或傷冷結聚變成膿血臍

腹疼痛腸滑不止飲食不進皆可服之

訶子

肉豆蔻

各壹兩半

草豆蔻

各壹兩半 乾薑

龍骨

當歸

赤石脂

縮砂仁

木香

各壹兩

白礬

半兩

黃連

壹兩

乾薑

半兩

右爲細末粟米飯和元如梧子大每服二十元至三十元空心米飲下忌油膩雞魚猪肉等物

正元丹

治脾胃虛冷寒濕久滯心腹脹滿脇肋牽疼吞酸

氣逆嘔吐清涎風寒入腹拘攣不得俛仰癥瘕積聚上下奔衝瀉滑腸裏急後重手足厥冷口中氣寒腹內虛鳴腹脹泄注及膈間停水脇下飲癖眩暈惡心飲食不下一方添赤石脂訶子川椒各一兩去桂

附子

乾薑

良薑

烏頭

各肆兩

胡椒

薑澄茄

人參

紅豆蔻

白朮

桂各壹兩

右爲細末水煮麵糊和元如梧子大每服三十元食前米飲下

赤石脂元治水瀉心腹疴痛四肢逆冷不納飲食一方有當歸無吳茱萸

赤石脂

龍骨各貳兩

艾葉

肉豆蔻

良薑

附子

縮砂

乾薑

厚朴各壹兩

吳茱萸半兩

右爲細末醋煮麵糊爲元如梧子大每服三十元米飲下不以時

纏金丹 治久積瀉痢

硝石

膩粉

硃砂

粉霜

砒

各壹分

硫黃

各壹分

巴豆霜

龍腦

各壹分

辰砂

蠟

各半兩

右九味同研勻細鎔蠟和元如梧子大每服三元臨卧

米飲下

大桃花湯

主冷白滯痢腹痛

如膿加厚朴叁兩
嘔加橘皮貳兩

赤石脂

捌分

乾薑

當歸

龍骨

牡蠣

各叁兩

附子

叁兩半

甘草

壹兩半

木一升

約叁兩

人參

貳兩半

芍藥

壹兩

右為細末以水一斛二升煮米取九升內諸藥煮取三

升分作三服

重校定此方分兩甚多而去其分參服恐不可用於今宜加減以伍大分爲壹服

縮砂蜜元

治久痢顏色相雜腹中常冷水穀不化腸鳴裏

急後重疼痛或下如赤豆汁或如魚腦者

厚朴

附子

乾薑

艾葉

各參兩肆味爲

鹿末生薑肆兩拌勻焙乾

肉豆蔻

訶子皮

各壹兩半

吳茱萸

縮砂仁

草豆蔻

陳皮

各壹兩

右爲細末水煮麵糊爲元如梧子大每服三十元空心

米飲下

烏梅肉元

治久痢不差

神麴

壹升

附子

貳兩

大麥蘖

壹升

當歸

桂

各參兩

吳茱萸

烏梅肉

乾薑

黃蓮

各肆兩

川椒

壹兩半

右為細末煉蜜和元如梧子大每服十元空心米飲服

艾葉散

治久痢痼冷食不消化四肢不和心腹多痛少思

飲食

附子

艾葉

白石榴

當歸

吳茱萸

龍骨

各壹兩

乾薑

阿膠

白朮

各參分

厚朴

壹兩半

右為細末每服二錢米飲調下不以時

大丁沉元治嘔吐不止

丁香

白茯苓

人參

不灰木

半夏

為末生薑汁和作餅子
燂令乾已上各壹兩

陽起石

礞石 各半兩

阿魏 半分醋化麪和餅子焙乾

杏仁

每個去皮鉗上燈燎去皮研

巴豆

五個去皮心膜瓦上出油炒

右為細末白蒸餅浸漉出控乾和元雞頭大每服二元生薑三片水七分煎至四分溫服小兒減服不以時

補脾元

若久痢不止體重羸瘦腹中脹急飲食不化遇寒

則極脉弦而遲此脾胃素弱為風冷則穀不化而水勝久不止成虛勞宜服此

厚朴

去皮壹兩生薑壹兩同拌今爛焙乾

白朮

石脂

肉豆蔻

各壹兩

交蘗

兩半

葶撥

訶子

附子

神麴

各半兩

乾薑

壹兩

右為細末醋煮麵糊為元如梧子大飲下三十元未知

加至五十元

吳茱萸元治久痢不止腹痛不能消食

吳茱萸

乾薑

附子

厚朴

各壹兩

甘草

桂心

黃連

木香

青橘皮

各半兩

右爲細末煉蜜和元如梧子大每服三十元米飲下不以時

當歸白朮元治痢後四肢羸困不能飲食

附子

白朮

各貳兩

人參

神麴

肉豆蔻仁

乾薑

當歸

木香

桂心

各半兩

右爲細末煉蜜和元如梧桐子大每服三十元米飲下
不以時

厚朴散治白痢四肢及腹內疴痛

赤石脂

禹餘糧

厚朴

各貳兩

當歸

乾薑

黃連

地榆

各壹兩

赤芍藥

吳茱萸

各半兩

右爲細末每服二錢米飲調下不以時

通聖元治脾胃虛寒白痢不止臍腹疼痛

肉豆蔻

仁桂

茱萸

大附子

縮砂仁

訶子皮

各壹分

乾薑

硫黃

白礬

各貳分

右除研外同為細末却將研藥拌勻水煮麵糊和元如
梧子大每服十五元食前煎醋艾湯送下

訶子散治痢瀉等

赤石脂

兩肆

龍骨

乾薑

當歸

厚朴

甘草

白朮

陳橘皮

各貳兩

訶子皮

兩半

右為細末每服二大錢空心米飲調下

小枇杷菜散

治冒暑伏熱引飲過多脾胃傷冷飲食不化

胃膈痞悶嘔噦惡心頭目昏眩口乾煩渴肢躄困倦全不
思食或陰陽不和致成霍亂吐痢轉筋煩燥引飲

枇杷菜

丁香

陳橘皮

各半兩

香薷

分叁

麥門冬

乾木瓜

白茅根

甘草

各壹兩

右爲細末每服二錢水一盞生薑二片煎至七分去滓溫服如煩燥新汲水調不以時小兒三歲已上可服半錢更量大小加減

正氣活命散

治下虛中滿真氣上逆霍亂吐瀉不下飲食

大附子

藿香葉

半夏

丁香

枇杷葉

人參

厚朴

各壹兩

桂

半兩

右爲麋末每服一錢水一盞入生薑一分煎至六分去滓稍熱服不以時

龍骨元

治久痢赤白不止腹痛不食

龍骨

沒石子

當歸

赤石脂

厚朴

艾葉

各叁分

川芎

橡實

各半兩

右爲細末煉蜜和元如梧子大每服二十元空心米下飲

黃連散

治熱毒下痢膿血臟腑疴痛日夜無度氣息欲絕

黃連

地榆

赤芍藥

當歸

黃芩

各壹兩

阿膠

龍骨

各貳兩

梔子人

半兩

右爲鹿末每服四錢水一中盞煎至六分去滓溫服食前

水菟朮香元

治瀉變赤白痢及脾虛冷熱不調風邪濕冷

之氣進襲腸胃之間使穀不化

米囊

半斤去莖蜜炙

當歸

陳皮

各叁兩

甘草

厚朴

訶子皮

各貳兩

地榆

木香

各壹兩半

右爲細末煉蜜和元如彈子大每服一元水一盞生薑

三片棗一箇擘煎至六分去滓食前溫服

露珠元

治風冷乘虛入客腸胃水穀不化泄瀉注下腹脇

虛滯腸胃濕毒下如豆汁或下瘀血日夜无度宜服此

白朮

肉豆蔻

吳茱萸

赤石脂

乾薑

附子

硫黃

各壹兩

人參

壹兩半

鐘乳

胡粉

各叁分

右醋糊和元如梧子大每服二十元

烏樗散

治赤白痢久不止腹中疴痛結疼及脫肛下血

烏梅肉

樗根皮

赤石脂

當歸

地榆

各半兩

黃連

乾薑

各叁分

甘草

壹分

右爲細末每服二錢溫米飲調下食前

小訶子散 治風虛腸滑便痢不禁神効

訶子

參分

乾薑

桂

各壹分

龍骨

壹兩

附子

肉豆蔻

各肆兩

當歸

定粉

各壹兩

右爲細末每服一錢空心米飲調下

乾薑白朮散

治久赤白痢不止腸中疼痛

白朮

乾薑

附子

地榆

黃連

各壹兩

阿膠

龍骨

各貳兩

赤石脂

參兩

右爲麤末每服二錢水一盞煎至六分去滓食前溫服

保安丹

治脾元虛弱固冷陳寒臍腹堅痰洩利無度或氣

腹膨痞飲食減少肌躰羸瘠漸就困篤

附子

當歸

陳皮

麵黃

各壹兩

南椒

厚朴

吳茱萸

各半兩

硫黃

壹分

右爲細末醋煮麵糊爲元如梧子大每服二十元空心米飲下

硃砂元治大人小兒一切瀉痢無問冷熱赤白連綿不差愈而復發腹中疼痛者宜服

砒霜

壹兩陸參研入均合子以赤石脂固縫鹽泥固濟燒令赤候冷取出

杏仁

巴豆

各柒拾个

木鱉子

炒焦拾个

黃蠋

壹兩叁个

黃丹

貳兩半

硃砂

半兩

乳香

陸參半

右合研勻鎔蠟和元如黃米大每分作一百二十元每服一元小兒半元水瀉新汲水赤痢甘草湯下白痢乾薑湯赤白痢甘草乾薑湯並放冷臨卧服忌熱物一二時

沉香水煮散治下痢五色後重裏急

米斛子皮

壹个蜜炙

當歸

訶子皮

各伍兩

陳皮

陸兩

青皮

木香

芍藥

地榆

各叁分

右冷人加厚朴乾薑各三錢下血去薑加羌活黃耆各半兩爲細末每服一錢水一盞生薑五片棗二个同煎至六分食前溫服

厚朴七棗湯

治脾胃虛弱內變寒氣泄瀉注下水穀不分

腹脇脹滿臍腹疼痛腹中虛鳴嘔吐惡心胃膈痞悶困倦少力不思飲食

厚朴

壹斤

川烏頭

茴香

益智

縮砂各半斤

乾薑肆兩

甘草陸兩

右爲細末每服二錢水二盞棗七個煎取一盞去滓稍熱服空心食前

香藤散治下痢赤白膿血不止

香藤

甘草

陳皮

羌活

厚朴

當歸各半兩

木鱉肆兩

右爲細末每服四錢水二盞取清溫服不以時

阿膠神麴煎治冷痢

神麴

乾薑各陸分

當歸

白朮各參分

人參

阿膠各貳分

甘草壹分

右爲細末薄糊元如小豆大以白麵爲衣每服五十元

水一盞煎令沸入藥煮熟以匙抄含之日二三服

肉豆蔻散

治久痢腹脇脹滿食不消化

肉豆蔻仁

訶子皮

陳橘皮

各壹兩

乾薑

草撥

木香

各半兩

白朮

叁分

右爲細末每服二錢食前米飲調下

訶梨勒元

治腸癖下痢日夜不止腹內疼痛

訶子皮

黃連

乾薑

當歸

枳殼

肉豆蔻仁

地榆

各壹分

右爲細末煉蜜和元如梧子大每服三十元空心烏梅

湯下

木香白朮元

治氣痢調中

白朮

伍分

豆蔻仁

縮砂仁

訶子皮

各貳分

藿香

貳分

丁香

木香

各壹分

右為細末水煮熟麵糊和元如豌豆大米飲服二十元

胃風湯

治大人小兒冷氣乘虛入客腸胃水穀不化泄瀉

注下腸腸虛滿腸鳴疴痛又腸胃濕毒下如豆汁或下瘀血日夜無度並服之

人參

白茯苓

芎藭

桂皮

當歸

白芍藥

白朮

右等分為鹿末每服二錢水一大盞入粟米百餘粒同煎至七分去滓稍熱服空心食前小兒量力減之

綿薑湯

治久瀉

米斛子

壹兩 蜜炒

赤石脂

研別

乾薑

訶子皮

吳茱萸

桂

附子

各壹兩

右為細末每服二錢粟米飲調下空心食前服

御米湯

治年深日近赤白痢暴瀉不已臟腑不調

御米子

連皮 半斤

當歸

半兩

青橘皮

陳皮

羌活

獨活

丁公藤

各減兩又 名南藤

右為鹿末每服二大匙頭水一大盞半煎留半盞溫服

去滓不以時

草豆蔻散

治霍亂吐瀉不止脉細而緊此為內寒

香薷莖

木菰

各伍分

乾薑

貳分

草豆蔻

藿香

各肆分

陳橘皮

右為細末每服三錢水一盞煎至六分去滓溫服非時

厚朴散治瀉痢

厚朴壹兩半去皮薑制

木香半兩

阿膠

當歸各叁分

肉豆蔻仁

龍骨各壹兩

右為細末每服三錢水一盞入生薑半分棗三個同煎至六分去滓熱服不以時

附子薑撥元治瀉痢

黑附子

炮去皮

薑撥

乾薑炮

良薑剉

丁香

吳茱萸

湯洗焙各壹兩

肉桂

去皮

山茱萸

去核炒

草豆蔻

各半兩

右九件治淨擣羅為細末蒸棗肉去皮核元如梧子大

每服三五十元空心食前米飲下

烏賊魚元治久赤白痢日夜無數腹痛不可忍

烏賊魚骨

參兩

樗根皮

白石脂

龍骨

雀兒糞

乾髮灰

各貳兩

右為細末醋煮麵糊為元如梧子大每服二十元米飲下不以時一方加代赭石一兩

胡粉元治積痢藥虛中有積尤佳

胡粉

阿膠

烏魚骨

各貳兩半

枯礬

龍骨

各伍兩

蜜陀僧

壹兩壹分

右為細末粟米飯為元如梧子大每服二十元米飲下

木香散治久白痢不止臍腹疴痛及赤痢

木香

分叁

附子

壹兩半

黃連

當歸

各壹兩

吳茱萸

兩半

厚朴

貳兩

右爲細末每服二錢水一盞煎至七分去滓溫服

甘草茱萸元

治臟腑虛寒脾胃怯弱米穀不化腸滑瀉痢

心腹疴痛腹脹腸鳴飲食減少

吳茱萸

肆兩以酒醋各壹升浸壹伏時煮酒醋令盡焙乾再炒熟

甘草

壹兩

梔子

彈子大壹塊燒令通赤以醋柒遍淬

乾薑

壹兩

縮砂仁

壹分

肉豆蔻

大者伍个和皮用

右爲細末酒煮麵糊和元如梧子大每服十元至十五

元燒生薑湯下

附子湯

治瀉不已

白朮

蒼朮

各兩

芍藥

兩

茯苓

兩

甘草

附子

各兩

右爲麋末每服五錢水二盞煎至一盞去滓溫服

狗頭骨元

若下利雜色晝夜不息其人久虛所下腸間垢

膩其脉微弱謂之惡利宜此

狗頭骨

豆蔻

各兩

青石脂

附子

敗龜

乾薑

各兩

右爲細末醋煮麵糊爲元如梧子大米飲下三十元有血

去附子

五苓散

治溫熱病表裏未解頭痛發熱口燥咽乾煩渴飲

水或水入即吐或小便不利及汗出表解煩渴不止者宜

服又治霍乱吐瀉躁渴引飲

澤瀉貳拾伍兩

楮苓拾伍兩

桂

茯苓各拾兩

白朮拾伍兩

右為細末每服二錢熟湯調服不以時服了多飲熟湯

汗出即愈又治瘧熱在裏身發黃腫煎茵陳蒿湯下

半夏正氣丹治下虛陰陽錯逆霍乱吐逆粥食不下

硫黃

半夏

藿香葉各壹兩

大附子半兩

水銀砂子

壹分水銀砂子取方內硫黃少許坩堝內盛慢火上結砂子用

右為細末酒煮麵糊和元如梧子大以朱砂為衣每服

二十元至三十元煎前方正氣活命散下不以時候

豆蔻元止藿乱吐瀉不定渴躁煩熱

肉豆蔻

丁香

各半

良薑

壹

霍香葉

壹

右為細末用棗肉和元如梧子大每服二十元至三十元溫生薑米飲下

椒艾元

治真氣虛弱脾胃衰微身軀沉重肌肉消瘦心腎

逆滿臍腹疼痛嘔噦惡心逆害飲食脹悶水穀不消寒中滑泄不斷下焦積冷裏急後重腸胃氣虛腹內雷鳴滯下膿血赤汁或變雜痢臭穢散風寒逐濕冷健脾胃進食

蜀椒

參伯

艾葉

壹

烏梅

貳伯

乾薑

參

赤石脂

壹

右為細末水煮麵糊為元如梧子大每服三十元空心

米飲下

本方用蜜和更加黃連艾壹斤

沒食子元治赤痢腹內疼痛遍數不定

沒石子地榆

各半兩

黃連

壹兩半

黃蘗

氣兩劉碎蜜拌炒

酸石榴皮

壹兩

右爲末醋煮糊元梧子大每服十五元米飲下不以時若下痢嘔逆胃中悶乱心腹併痛手足躁擾卧不安席此由冷熱不調傷於脾胃中焦不和陰陽錯雜清濁相干三焦溷乱脉洪大其人煩擾者生脉微遲短氣不語手足厥者死服藥但增躁熱利不禁脉小四肢爲難

治先宜理中附子湯并大自元方在後

理中附子湯

乾薑

甘草

附子

各壹兩

右爲鹿末每服五錢水二盞煎至一盞去滓溫服

烏梅元 若利下純血臍腹絞脉急大而散此由腸胃乘虛
爲熱毒所滲或先經下利不應服熱藥而悞投之蘊毒不
散積於腸門滲而成血宜烏梅元脉浮小手足冷此風冷
在腸胃亦令下血宜附子當歸元或大或小浮陷而疾按
无常定下血如狔肝五内切痛此或因服五石湯元逼損
氣毒攻腸胃或如蟲毒爲難治

烏梅肉

兩

黃連

兩

吳茱萸

當歸

各壹兩

酸石榴皮

兩

右爲末蜜元如梧子大每服三十元食前米飲下

紫蘇子元 治一切氣逆胃膈噎悶心腹刺痛脇肋脹滿飲
食不消嘔逆欲吐及治肺胃傷冷咳嗽痞滿或上氣奔急

不得安卧

紫蘇子

陳橘皮

各貳斤

高良薑

桂

人參

各壹斤

右爲細末煉蜜和元如彈子太每服一元細嚼溫酒或米飲下不以時若食瓜膾生冷覺有所傷噫氣生熟欲成霍乱者含化一元細嚼汁服盡應時立愈常有此藥永不患霍乱甚神妙一方加大腹皮去人參

四味阿膠元

治瀉後成痢

黃連

肆兩

茯苓

兩

白芍藥

兩

阿膠

壹兩炒爲末

右將前三味爲細末以好醋熬阿膠成稀膏和元如梧子大米飲下三十元食前

若下痢鴨溏滑數不止肌肉消瘦飲食不入脉細皮寒氣少不能言口舌生瘡有時潮熱此由脾虛胃耗胃耗則氣奪氣奪則穀不入穀不入則胃無主胃無主則氣消索五臟之液不收謂之五虛爲難治宜炙肝散如漿粥入胃泄注止則可活又下焦利宜禹餘糧元理中元亦可服

炙肝散

紫苑

去苗及枯者洗焙

蒼朮

桔梗

白芍藥

右等分爲細末用猪肝三指許批開摻藥在上濕紙裹慢火炙熟細嚼米飲下食前

禹餘糧元

禹餘糧

石脂

乾薑

附子

右等分為細末水煮麵糊為元如梧桐子大米飲下三十元不以時

四順湯治吐下空腹乾嘔手足冷不止

乾薑

甘草

人參

附子

各壹兩

右以水六升煮取三升半分為三服若不止加龍骨二兩腹痛加當歸二兩

厚朴湯治煩嘔腹脹

厚朴

肆兩

桂壹兩

枳實

伍個

生薑

叁兩

右以水六升煮取二升分為三服空心食前

槐花散治熱吐

皂角

白礬

飛過

槐花

甘草

右等分爲細末每服二錢白湯調下不以時

烏頭散治吐逆

烏頭

兩

川練肉

壹兩半

檳榔

木香

各壹兩

右爲細末每服二錢水一盞薑二片煎至七分空心服去滓

軟紅元止吐

辰砂

信砒

各半錢

炆脂

壹錢

巴豆

拾個

右鎔蠟少許入油三兩滴和爲劑煎槐花甘草湯下棗豆大一元小兒芥子大忌熱食一時久

針頭元治水瀉

胡椒末

硫黃

各壹分

巴豆

去皮膜不出油貳貳研

黃蠟

肆分

右同研勻鎔蠟和元米粒大大人三兩元米飲下不以時服

王粉散

治冷極泄瀉久滑不禁不思飲食

大附子

紅豆

乾薑

白上硫黃

各壹兩

右四味用半稀粟米粥調末一錢空心溫冷喫一服便効再服平愈只可緩緩半錢作一服不過十服好安爲元亦得

木菰湯

治瀉不止

米斛子

兩

木菰

乾薑

甘草

各兩

右爲細末每服二錢米飲調不以時

建脾散

治脾胃虛洩瀉老人臟泄

烏頭

分參

厚朴

甘草

乾薑

各壹分

右為鹿末每服一錢水三合薑三片煎二合熱服併二服差

四等散

治水瀉或赤白痢或後重腸痛或腹中痛皆主之

乾薑

當歸

黃連

黃蘗

各壹分

右以烏梅三個煎湯調下二大錢赤痢加黃蘗白痢加乾薑後重腸痛加黃連腹中痛加當歸並空心服

附子元

治水積痢久不差腸垢已出者

赤石脂

附子

乾薑

桂

各壹分

右為細末煉蜜和元如梧子大每服十五元至二十元

空心米飲下

吳茱萸湯治積冷赤白痢下不斷變成赤黑汁爛魚腹腸疼痛不能飲食

黃連

雨肆

吳茱萸

當歸

各參分

石榴皮

參兩

右為鹿末每服三錢水一盞煎至六分去滓溫服食前

地榆散

治新食竟取風為胃風其狀惡風頸多汗膈下塞不通飲食不下脹滿形瘦腹大失衣則噎食寒則瀉泄

地榆

壹兩

當歸

樗根白皮

各壹兩

白朮

參分

右為鹿末每服三錢水一中盞煎至五分去滓溫服

空心

乳香散

治瀉痢和一切寒氣止臟毒瀉血腹內疔痛

乳香 少許

訶子皮 壹分

當歸

木香 各半兩

右剉細末用微火炒候當歸乾為度為細末每服二錢用陳米第一度泔一盞煎至六分空心午前服此藥最妙患及百餘日者服之皆愈

三物散 治血痢

黃連 肆分

當歸

石榴皮

吳茱萸 各參分

右為細末每服二錢水一盞煎至六分溫服去滓

石榴湯 治水痢及赤白痢篤困欲死者

黃連 貳兩

石榴 壹个乾者 阿膠

乾薑 貳兩

右為鹿末每服二錢水一盞煎至六分去滓溫服

丁香元 治水瀉及瀉血不止疼痛甚者

烏頭

丁香 肆个

巴豆 壹个

朱砂 衣

右為細末泡饊餅為元如梧子大每服十元空心米

下飲

延年駐車元

治腸胃虛弱冷熱不調下痢赤白或作膿血

臍腹疼痛心胃痞悶後重裏急煩滿嘔逆脇肋脹悶腹內
虛鳴四肢倦怠不美飲食日漸羸瘦

黃連

兩

當歸

壹兩半

乾薑

壹分

阿膠

壹兩半 為末 醋熬膏

右膠膏熬元如梧子大每服二十元空心米飲下

豆蔻白朮元

論曰腸胃為倉廩之所開闔有時下痢者蓋

腸胃失守門戶不要由水穀相併運化失宜湊於三焦氣
不禁固又或春傷於風邪氣留連久而不去風勝害脾脾

屬土而惡木脾與胃以膜相連為風邪所害則微弱而不能運化水穀併注腸間腸虛又不能禁制故今不利若形瘦腹大臍脹食畢而下謂之洞泄宜此白朮元附子湯

白朮

貳兩

附子

肉豆蔻

各壹兩

右為細末蒸棗肉和元梧桐子大每服三十元米飲下食前

薑附湯若暴下如水或青或白臍腹撮痛手足逆冷脉細欲絕漸漸短氣此由寒冷之氣暴傷於陽氣湊下為陰所辟氣不禁固陽復則生不復死宜此薑附湯金液丹方在後又不止者灸氣海百壯

乾薑

兩叁

甘草

附子

各壹兩

右為麤末每服五錢水二盞煎至一盞去滓溫服食前

太白元治吐

半夏

玄精石

各壹兩

硫黃

半兩

右為細末水煮麵糊為元如梧子大米飲下五十元不以時候

三味黃連元

若下痢赤黃日夜數十行手足不厥胃中痞

悶時覺微寒服溫藥而增極其脉沉實而大此由濕熱之邪蘊於腸胃復因飲食積而不化聚而不運水穀併注而下先宜此三味黃連元不差者与杏子元方在

黃連

吳茱萸

白芍藥

右件等分為細末醋煮麵糊為元如梧子大米飲下三元

朱粉丹 若下痢純膿或赤或白臍腹撮痛痛即痢下已即痛其脉緊大而疾此由飲食失宜留而不去與冷氣相搏則白與熱氣則赤水穀與腸間津液腐化成膿新穀送傳而不得行新故相搏滯氣作痛利下則氣行而痛少息謂之積痢宜服此

巴豆

壹錢

粉霜

硃砂

各半錢

右件研勻黃臘二錢鎔成汁下藥攪勻如菜豆大米飲下一元未知再進

香薷散 治藏飲食不節或食腥膾生冷過度或起居不節或露臥濕地或當風取涼而風冷之氣歸於三焦傳於脾胃脾胃得冷不能消化水穀致令真邪相干腸胃虛弱因

飲食變亂於腸胃之間便致吐利心腹疼痛霍亂氣逆有
心痛而先吐者有腹痛先痢者有吐痢俱發者有發熱頭
痛身疼而復吐利虛煩者但吐利心腹刺痛者或轉筋拘
急疼痛或但嘔而無物或四肢逆冷而脈欲絕或煩悶昏
塞而欲死者此藥悉能主之

香薷

去土壹斤

厚朴

白扁豆

各半斤

右為細末每服三錢水一盞酒一分煎至七分去滓水
中沉冷連二服立有神効一方用黃連不用白扁豆

四逆湯

治傷寒自痢不渴嘔噦不止吐利俱發小便反利

或汗出過多脈微欲絕腹痛脹滿手足逆冷又一切虛寒
厥冷並宜服凡病傷寒有此證候皆由陽氣虛裏有寒雖

更覺頭痛身疼發熱惡寒四肢拘急表證具者未可攻表
先宜此藥助陽救裏

甘草

兩

乾薑

壹兩半

附子

兩半

右以甘草乾薑爲麤末入附子每服三錢水一盞半煎
至一中盞去滓溫服不以時

良薑湯

治脾胃傷冷心腹大痛霍亂吐瀉

厚朴

良薑

桂

右等分爲細末每服三錢水一盞煎至六分去滓溫服
不以時

丁香散

治霍亂

丁香

藿香

各壹兩

人參

兩半

右爲細末每服一錢水半盞煎五沸更入妳汁少許去滓稍熱細呷頻服量覓大小加減

厚朴散治霍亂吐瀉

厚朴

貳兩

肉豆蔻

壹個

草豆蔻

肆個

右爲細末每服二錢水一盞鹽一捻煎至八分去滓熱呷如不差再服婦人不用鹽入生薑二片同煎

母丁香膏

治吐逆不止

五靈脂

壹兩

丁香

拾肆個

母丁香

柒個

右爲細末以大膽和元如豌豆大捏褊陰乾每服一餅子到流水下

檳榔散

治水瀉裏急後重日夜无度

檳根皮壹兩

枳殼兩半

甘草壹分

右食前米飲調下二錢乃愈

神麴散

治中寒下痢膿血及婦人漏下

附子壹個

神麴

乾薑各參分

右爲細末每服二錢空心米飲下溫酒尤佳

乳香散

治白痢裏急後重日夜无度

好大甘草

肆指握文武火
炮坑出火毒

米斗子皮參个生

乳香壹皂大

右不犯鐵器搗爲細末每服水一椀埽罐中煎至半椀

溫服不以時分二服

烏梅三物散

治赤痢

胡黃連

烏梅肉

竈下土

右等分爲細末空心膈茶調下或血痢取鹽梅一个合
膈茶加醋湯沃服

真阿膠元治赤白痢

真阿膠壹片

肉棗壹

胡椒柒粒

右三味以甘鍋子燒存性蠟元麻粒大每服二三元白
痢乾薑湯下赤痢甘草湯下赤白痢甘草乾薑湯下泄
瀉以溫水食後臨卧服

吳茱萸元治脾胃受濕氣泄痢不止米穀不化腸鳴腹痛

或下痢膿血如髓腦或如爛肉汁腹滿嘔噦肢體怠倦

吳茱萸

黃連

白芍藥

並剉如豆同炒紫色

右爲細末水煮麵糊和元如梧子大每服三十元空心米飲下

小阿膠元 治冷熱不調下痢膿血腹中疴痛口乾欲飲小便不利調中安和藏氣

黃連

阿膠各壹兩

茯苓貳兩

右爲細末水煮麵糊和元如桐子大每服二十元食前米飲下

隱居溫中湯 治腹痛止痢

白芍藥

桂各半兩

吳茱萸壹佰伍拾个

右爲麤末每服二錢水一盞生薑三片煎至六分去滓空心溫服

玉粉丹

若下痢清水其色赤黃但欲飲冷時時嘔逆小便

不利得熱則極心胃煩躁脉虛大而數此由乘虛熱入於

胃滲下三焦津液不分併於大腸謂之挾熱利先宜五苓

散利小便次以此玉粉丹四味阿膠元

方在前

蛤粉

硫黃

右件等分為細末水煮麵糊為元如梧子大米飲下五十元不以時

杏仁元治瀉兼治吐

杏仁

巴豆

去油等分

右合和勻麵糊為元如麻子大米飲下一元不以時

黑霜元治吐瀉霍亂

巴豆

壹个
去油

百草霜

叁錢

右同研令勻湯浸饊餅爲元芥子大水瀉冷水一元霍
乱吐瀉不定者同蟬殼一个爲末冷水調下一元忌熱
物只一服便差

朴附元

治脾胃氣弱及下冷不思食泄瀉

厚朴

貳兩

附子

壹兩各剉
如皂子

右以生薑六兩取汁於銀石器內貯之重湯熬盡薑汁
取出焙乾爲細末用神麴法酒煮麵糊和元如梧子大
每服三五十元空心熱米飲下

香薑散

治久患脾瀉

生薑

肆兩

黃連

壹兩各剉
如豆大

右同炒薑乾脆深赤去薑取黃連為末每服二錢鴈茶調下空心

丁香散 治痢

附子

壹兩炮去皮臍切如麻子大

丁香

半兩

生薑

貳兩去皮切如麻子大

右二味慢火煎乾微黃色入丁香半兩三味同為細末每服一錢空心米飲調下

橡實散 治久赤白痢日夜不止

橡實

乾薑

各半兩

右為細末每服二錢米飲調下不以時

橘皮茯苓湯 治下痢煩嘔

陳皮

白茯苓

各半兩

右爲細末每服二錢食後白湯點服

桃核元 治痢下冷臍下絞痛

赤石脂

乾薑 各壹兩

右二味爲細末煉蜜和元如豌豆大每服十元日三加至二十元食前米飲下

霍香散 治瘧

高良薑

藿香 各半兩

右爲末均分爲四服每服以水一椀煎至一盞溫服未定再服

艾餽飽 治脾虛有寒

乾薑末

熟艾

右等分以白麵作餛飩如酸棗大每服四五十個煮熟
空心服腹脹者炒厚朴煮汁熟即煮餛飩食之

金液丹 治吐瀉

好硫黃

壹斤

右用一斗三升磁瓶子內盛以瓦子蓋口先用赤石脂
固縫通用鹽泥紙筋固濟陰乾磚砌一大炉子可高三
尺餘中心掘一坑子先安一水觀令其口大小與硫黃
觀子底相當將硫黃罐子坐在水罐子上四下用土培
了口縫先下熟灰在炉內令埋罐子一半用熟火三斤
簇了罐子再用熟火蓋罐子上約令三四寸深每一伏
時再添三斤一如上法蓋覆七日住火取出打破開如

生金色其滓石尽澄在下不用柳木槌研細水浸饑餅和元如梧子大每服五十元米飲下食前

水靈散治霍乱吐瀉不止

高良薑

生坐壹兩

右爲細末每服二錢水一中盞煎至一半去滓於水內沉極冷頻服立定

勝金元治吐不止

胡椒十粒

右一味以新水吞下

豆蔻散治脾濕腸泄暴瀉不止

肉豆蔻

壹

右以生薑汁和麵裹豆蔻火炮候麵熟去麵將豆蔻爲末分作兩服米湯調下

訶梨勒煎治水痢心腹脹滿嘔逆及上氣咳嗽胃膈氣痞

訶梨勒

以麵裹煨黃去麵

右末之粟米飲和元如梧子大每服三十元空心米飲下

紫粉元治吐

右以針沙醋浸一宿辟去醋便帶醋炒候黃色无煙乃止細研水煮麵糊爲元如梧子大米飲下四十元便啜粥一盞許小兒減之

酒磨元治吐逆粥藥不下者

右以五靈脂用狗膽汁和元如雞頭大煎熱生薑酒磨化再湯令熱粥一升頓服乘藥熱送下

治瀉痢久不羸

右以細石灰一錢獺猪膽一个先用灰炒乾出氣入猪膽同炒黃色用淨紙鋪在地上攤出火毒日曬一日每服半錢如白痢乾薑湯下赤痢甘草湯下赤白痢乾薑甘草湯下

軟疰丹療疰癖攻衝心腹及小腸氣膀胱氣痛不可忍內

如刀刺九種心痛并婦人血疰血癖血冷血山崩赤白帶下應丈夫婦人一切氣痛不可禁者下咽立効

白上硫黃

白礬

枯

硃砂

精白者各別研細

乾蝎

茴香

桂

木香

川練子

麩炒
去皮

葫蘆巴

胡椒

破故紙

各半
兩

黑附子

壹兩

右十二味爲細末煉蜜和元如彈子大以朱砂爲衣每服一粒燒綿灰酒化下溫服入口愈空心服如急者不計時候新產婦人不得服

玉鎖丹

治男子腎臟小腸等疾及飲酒過多大便滑瀉青

沫遍數頻併宜服之

破故紙

葫蘆巴

吳茱萸

右各四兩並炒香熟搗羅爲細末分一半用羊白腸盛藥末酒煮香熟去白腸取藥末一處同分下藥末同拌

和勻用煮藥酒煮白麵糊爲元每服五十粒加至一百粒空心溫酒或鹽湯下

辛木散治風濕寒濕身疼自汗

蒼朮

兩伍

陳橘皮

細辛

厚朴

縮砂仁

附子

桂

肉豆蔻

乾薑

兩各貳

丁香

甘草

兩各壹

右爲麤末每服二錢水一盞入生薑三片棗一枚同煎

至六分去滓食前溫服

神聖散治瀉痢

黃橘皮

兩叁

白礬

兩壹

甘草

兩貳

川芎

兩半

黃丹

朱砂

各半分

木香

兩壹分

米囊子

貳拾个

右爲細末每服一大錢用熟水一盞倒流七次臨卧調服服了次用蒜一塊子生薑三片川芎一皂子大用濕紙裹燒焦去紙爛嚼用熟水下

水解散 治水穀并菓子所傷下瀉不止并變痢疾

米斗皮

兩肆

陳皮

貳兩半

甘草

貳兩

丁香皮

桂

縮砂仁

白豆蔻仁

白茯苓

各半兩

白芍藥

壹兩

右爲細末每服二錢如路上行即冷水調下赤痢加烏梅一箇地榆煎服白痢加乾薑赤白痢加乾薑烏梅肉煎下

感應膏 治飲食不消肢躰倦怠

木香

丁香

肉豆蔻

乾薑

各參分

杏仁

巴豆

各參拾个

百草霜

壹分

硃砂

各參細研

右合和勻用黃臘一兩入麻油少許煉熟下蠟鎔了放
溫入前藥一處攪和成劑元如黍米大每服三五元至
七元白湯下不以時

米囊皮散

治瀉痢後胃氣不和兼治赤白痢

米囊皮

舊年者去穰
蜜塗炙熟

辟臭蔓

亦名香蔓

厚朴

去皮薑豆汁製

甘草

陳橘皮

羌活

白丹法

治瀉痢不止

右件六味各一兩細剉焙乾搗為鹿末每劑一大匙頭
以水一盞煉取七分服餘滓重煎服如白痢加阿膠

上芋陽起石十兩火煨通赤一宿成白色如粉次用鍾乳粉三兩內秤半兩別取白礬末半兩研細用坩堝子銷成汁下半兩鍾乳粉攪候成丹頭與前陽起石同研勻細滴水和元如雞頭大每服二三粒空心米飲下大治臟腑不和注瀉不止

鍾乳粥治久瀉諸藥不効者

鍾乳粉

右一味以粥調半兩乘熱服之日二其効如神

訶子煮散治下瀉下痢腹痛日夜不止已致困篤者並治

米皮

肆兩炒黃色

縮砂仁

壹兩

五靈脂

半兩

訶子

柒个去核

赤石脂

半兩

甘草

錢叁

右爲細末每服一大錢空心米飲調下日三服小兒半錢忌如常法

茱萸斷下元治脾胃氣虛弱臟腑不調下瀉不止日夜无度全不飲食內積久虛腹中疼痛羸瘦氣弱並治之

吳茱萸

貳兩半湯洗炒

訶子

壹分玄核

赤石脂

壹分

縮砂仁

肉豆蔻

乾薑

炮

龍骨

人參

各壹分

右爲細末水煮麵糊和元如梧子大每服三五十元空心米飲下日進三服

藿香飲子治赤白痢久不較變成休息痢裏急後重心腹疼痛形困氣乏主臟氣虛弱

藿香

白芍藥

乾薑

澤蘭葉

當歸

芍

白頭翁

蒿豉餅

附子

黃耆

茯苓

甘草

各壹兩

米囊皮

貳兩

右為鹿末每服三錢水一盞煎至七分去滓不以時服

龍脂元

治脾胃虛弱或停冷結聚變成膿血痢

訶子

肉豆蔻

黃連

龍骨

當歸

赤石脂

縮砂

木香

各壹兩

草豆蔻

白礬

乾薑

各半兩

右為細末粟米飯和元如梧子大每服三十元空心米

飲下忌油膩雞肉猪肉等

阿膠散 治熱毒血痢成片臍下疔痛

阿膠 熟乾地黃 地榆 黃連

梔子仁 當歸 刺薊 各壹兩 川升麻

犀角屑 各半兩

右為鹿末每服四錢水一中盞入葱白七寸豉百粒同煎至六分去滓溫服不以時

茜根散 治蟲毒下血如雞肝腹中攪痛

茜根 升麻 犀角 各壹兩 桔梗

黃栢 黃芩 各貳錢 地榆 白蘘荷 各肆錢

右為鹿末每服三錢水一盞半煎至八分去滓稍熱服
黃連散 治熱毒下黑血五內絞切痛日夜百行氣絕欲死者

黃連升

龍骨

白朮

各貳兩

阿膠

乾薑

當歸

赤石脂

各壹兩

附子

壹兩

右八味㕮咀以水一斗煮取五升分五服孫真人云余以正觀三年七月十二日忽得此熱毒痢至十五日命將欲絕處方入口即定

香藤散治下痢赤白不止

香藤

甘草

陳皮

羌活

厚朴

當歸

各半兩

米芩皮

肆兩

右為細末每服四錢水一盞半煎至一盞取清汁溫服不以時

當歸散

治久血痢不止腸中疴痛面黃羸瘦

當歸

樗樹白皮 艾葉

黃連

地榆

各壹兩

酸石榴

燒灰

阿膠

各叁分

右為細末每服二錢米飲調下不以時

赤石脂元

治氣虛冷熱不調臍腹疼痛下痢膿血日夜頻

滑四肢少力裏急後重不進飲食

赤石脂

白龍骨

白礬灰

各貳兩

胡粉

壹兩

蜜陀僧

半兩

阿膠

烏賊魚骨

各壹兩

右除研藥外同為細末却將研藥拌勻粟米飯和元如

梧子大每服二十元溫米飲下忌油膩

固腸散

治血痢腹痛及如魚腦漿或如豆汁

木香

壹錢

黃連

各半兩壹分

御米殼

壹兩半蜜炙一作叁个

象斗

壹作叁个
藏白礬燒

訶子

麵裹煨大者
壹作壹个

柿蒂

壹分壹作
柒箇

石榴皮

酸者塗蜜炙黃
各半兩壹作壹分

右為細末每服一錢空心米飲調下一使乳香湯破米

飲調下一名御米散

地榆散

治血痢不定日夜頻滑

地榆

半兩

酸石榴皮

叁分

木苓

半兩

枳殼

叁分

赤石脂

半兩

甘草

兩壹

右為細末每服二錢米飲調下食前服

黑神散

治冷熱痢膿血不止

烏梅

乾薑

木棗

等分

右三味同燒存性每服一錢溫米飲調下空心服

當歸散治血痢

御米皮

乾薑

當歸等分

右為細末食前每服二錢米飲調下

母丁香元治嘔吐不已

母丁香條

丁香

吳茱萸等分

硫黃等分

石膽壹錢

麝香壹分

右為細末生薑自然汁糊為元如梧桐子大每服五七元生薑湯下嘔逆鹽醋少許化一元於筋頭上服之

玉龍散治吐逆不止

硫黃

滑石等分

右為細末每服一錢糯米飲調下

玉蕊散止吐逆

方十四

廿五

滑石

貳兩

硫黃

壹兩

丁香

肉豆蔻

各半兩

右為細末每服一錢食前米飲調下

朝真丹治吐瀉不止

硫黃

壹兩

枯白礬

參兩

右為細末饑餅和元如梧子大朱砂為衣每服三十元

溫米飲下食前

治瘡

痢附

瘡母煎

治久瘡不愈結為癥瘕寒熱

鱉甲

拾貳分

烏梢

炮存性

乾薑

葶藶

石韋

紫葳

厚朴

瞿麥

廣蟲

蜣螂

桃仁

各一分

白芍藥

伍分

黃芩

大黃

桂

各壹分

柴胡

陸分

鼠婦

赤分

人參

壹分

牡丹皮

伍分

阿膠

蜂窠

名肆分

赤硝

拾貳分

半夏

壹分

右為細末，鍛竈下灰一斗，清酒一斗五升，浸灰候酒盡，一半著蠶甲於中煮令冷爛，如膠綿絞取汁，內諸藥煎為元梧桐子大，空心服七元，日三服，一方無鼠婦，赤硝加海藻三分，大戟一分。

香甲散

治一切勞瘵，四肢無力，渾身疼痛，脾胃不和。

蠶甲

恒山

柴胡

各叁分

麥蘖

神麴

各壹兩

枳實

京三稜

各半兩

人參

藿香葉

各壹兩

甘松

分叁

黃橘皮

白不去

厚朴

各壹兩

甘草

叁分

檳榔

壹枚

茯苓

分叁

半夏

桔梗

各壹兩

大腹皮

木香

各半兩

烏梅

柒个

右為麤末水煎患勞氣者以童子小便酒桃李枝同煎

三錢去滓熱服

丹砂烏梅元

治五瘡不羗

烏梅

恒山

各拾分

知母

犀角

各陸分

丹砂

伍分

龍膽

甘草

人參

茯苓

桂

各陸分

鱉甲

捌分

香豉

壹大合

桃仁

肆拾玖个

虎骨

升麻

各捌分

右為細末煉蜜和元如梧子大每服二十元空心酒下

大五補湯治時行後變成瘴瘧方

桂心

參拾銖

遠志

桔梗

芎藭

各貳兩

茯苓

芍藥

人參

白朮

乾地黄

當歸

黃耆

甘草

各參兩

半夏

麥門冬

生枸杞根

各壹升

右為鹿末每服二錢水一大盞入生薑三片棗一枚竹

葉二片同煎至六分去滓溫服不以時

烏梅元治寒熱瘧久不羸形躰羸瘦痰結胃堂食飲減少

或因行遠久經勞役患之積年不羸服之神効

烏梅肉

豆豉

各壹合

升麻

柴胡

鱉甲

恒山

地骨皮

前胡

壹兩

百合

蜀漆

玄參

肉蓯蓉

桂心

知母

各半兩

桃仁

各拾分

右十五味爲細末煉蜜和元空心茶下三十元日二服
老少孩童量力通用無所忌

十味元治久瘧不已已經吐下其原尚在更欲吐利又慮
疰羸宜服此藥

細辛

黃橘皮

桂

地骨皮

各肆兩

鬼箭

羽折着如金色者

蜀漆

各貳兩

白朮

伍兩

甘草

當歸

丁香

各叁兩

右爲細末煉蜜和元如梧子大煮烏梅飲下之初服十
五元再稍加至三十元服經三五日後苦覓熱上每服

藥後良久任喫三兩口粥飲厭乏

甘草烏梅元治一切瘡

甘草

烏梅肉熬

人參

桂

肉蓯蓉

牡丹

各二兩

恒山

升麻

桃仁

烏豆皮

各二兩

右搗篩爲細末以煉蜜和元蘇屠白搗一萬杵元如梧桐子大發日五更酒下三十元平旦四十元欲發四十元不發日空腹四十元晚三十元無不差一方有知母二兩

剋効餅子

治一切瘡病發作有時先覺伸欠作寒慄鼓振

頤頷中外皆寒腰脊俱痛寒戰既已內外皆熱如發渴欲

飲冷或痰聚胃中煩滿欲嘔或先熱後寒或先寒後熱或寒多熱少或熱多寒少或寒熱相半或但熱不寒或但寒不熱或一日一發或隔日一發或一日後六七日再發並能主之

龍腦

麝香

半兩

朱砂

壹兩壹分

荷葉

伍兩

菴豆末

伍兩

甘草

壹兩

信砒

貳兩半

定粉

半兩

金箔

參拾伍箔為衣

右為細末煉蜜和元每兩作二十元捏漏以金箔為衣每服一餅子以新汲水磨化日發者未發前服之間日者不發夜服隔數日者發前一日夜服連日者凌晨服

紅英丹

治勞瘵極効

雄黃

朱砂

硫黃

天雄

丁香

虎頭骨

黃丹

赤小豆

麝香

各壹分

右為細末入研了藥令勻取甲子日合用粟米飯和元如萊豆大男左女右以緋絹袋裏繫一元於中指上

恒山救急散 治痰鬼瘴瘧

恒山

鱉甲

各捌分

烏梅

錢拾

甘草

捌分

犀角

陸分

桃仁

壹柒分

知母

石膏

叁分

右為鹿末每服二錢水一盞竹葉二片同煎至六分去

滓服之

朱砂元治瘧

朱砂 壹分

粉霜

膩粉

硃砂

白丁香

巴豆霜 各半

乾漆末 貳分

青橘皮末 伍分

右同研勻細棗肉和元如梧子大小兒麻子大更用朱砂末裹過每先服了金箔元更後用麵湯下一兩元投之看虛實加減服

大黃元 治心瘡發歇不定

川大黃 兩半

恒山

砒霜

敝魚甲

麝香

朱砂 各壹分

香豉 肆拾

右為細末研勻以醋煮麵糊元如梧子大每服二元食前用桃仁冷醋湯下忌執物

神應湯 治瘡

草豆蔻個

棗

烏梅

半夏各拾

橘皮半個

青橘皮壹個

生薑半兩

右以此一料用泉水三升於銀器內煎至一升半並將藥剉為鹿末同煎不以時去滓任意如發熱可冷服如發寒可熱服

曹桂湯

論曰寒熱之病蓋陰陽相乘陰氣上入陽中則發

寒陽氣下陷陰中則發熱若寒熱戰慄頭痛如破身拘急數欠渴欲冷飲或先寒而後熱先熱而後寒或有發時或間而作至其時而發發已即如常此謂之瘧瘧脉自弦弦數多熱弦遲多寒此皆得之冬中於風寒氣臟於骨髓之中至春陽氣大發邪氣不能自出因遇大暑而後與邪氣

相合而發多寒者溫之多熱者發之寒熱等者以經調之
寒多宜此薑桂湯熱多宜恒山湯枯薑湯寒熱等者宜鱉

甲湯等方並
在後

柴胡捌兩

桂

黃芩

各參兩

枯薑根

肆兩

牡礪

乾薑

甘草

各貳兩

右為鹿末每服五錢水二盞煎至一盞去滓溫服

雄黃丹治丐兒瘡

白駒蹄

壹分

大黃

肆分

萊豆

叁分

砒霜

貳分

雄黃

壹分

朱砂

半分

右為細末以蜜和元如梧子大發日平旦冷水服二元

七日內忌油膩

若其發時胃中痞嘔吐此乃痰瘧脇腹痛胃中怫怫然欲嘔不得出此積瘧並宜玉壺元方見頭痛門

藿香散 凡瘧吐下之後當溫調之宜服

厚朴

藿香葉

生薑

陳橘皮

半夏

甘草

各壹兩

右六味同杵令爛焙乾為末每服三錢水一盞生薑三片棗一箇煎至七分去滓食前服

荊芥散 若其人翕翕如熱漸漸如寒無有時度支節如解手足疼痛頭目昏運此由榮衛素弱外為風邪相乘搏於陽則似熱搏於陰則似寒久不治之成勞宜此

荊芥穗

壹兩

柴胡

貳兩

人參

白朮

當歸

白芍藥

桂

甘草

各半兩

右為鹿末每服五錢水二盞煎至一盞去滓溫服非時

栝蒌湯治熱瘡

柴胡

兩捌

黃芩

人參

甘草

各參兩

栝蒌根

兩肆

右為鹿末每服五錢水二盞生薑三片棗一箇煎至一

盞去滓溫服不以時

綿袞元治瘡

硫黃

官桂

芭豆

白礬

殿花

右件等分為末五月五日用粽子和再入白搗千下元

如梧子大陰乾不拘老幼有孕婦人不拘月日瘧疾用
綿一片裹藥一元男左女右納耳內於五更初放在耳
內四日復取

小柴胡湯 治傷寒溫熱病身熱惡風腦項強急胃滿脇痛
嘔噦煩渴寒熱往來身面皆黃小便不利大便秘硬或過
經未解潮熱不除及老勞復發熱頭痛婦人傷風頭痛煩
熱經血適斷寒熱如瘧發作有時及產後傷風頭痛煩熱
並可服

柴胡 半斤

黃芩

人參 各參兩

半夏 貳兩

甘草 參兩

右為麤末每服三錢水一盞半生薑五片棗二箇煎至

七分去滓熱服不以時候小兒分作二服更量大小加減若胃中煩而不嘔者去半夏人參加桔萸實一个若渴去半夏加人參合前成四兩半括萸根四兩若腹中痛者去黃芩加芍藥三兩若脇下痞斬去大棗加牡礪六兩若心卒悸小便不利者去黃芩加茯苓四兩若不渴外有微熱去人參加桂三兩覆微汗愈若咳者去參大棗生薑加五味子半升乾薑二兩治瘴疫瘧癘久即面黃肌瘦不准新舊月日淺深悉皆主之心胃痞悶不思飲食加橘皮渴加括萸根喘加杏仁大便秘滯加大黃脇下痞斬而痛加牡礪小可一兩劑大段三五劑克保痊安久經大効記之去半夏加人參更加括萸根名

黃龍湯

桃花元治一切瘡及赤痢白痢

信砒

粉霜

各壹錢

定粉

半兩

黃丹

貳分

巴豆

柒箇米醋內煎黑色去皮用

右都研令勻以糯米粥爲元如黍米大赤白痢新汲水下兩元治瘡桃心七箇煎湯未發前冷下立差此法常用有效

祛邪元治瘡疾脉浮大寒熱往來用此吐之衛州書六瘡

寒多熱少者痰瘡熱少而脉浮則痰無疑矣可吐之也若脉遲微者惡寒瘡耳宜柴胡桂薑湯

麻黃

肆兩去節湯炮參沸焙乾秤

恒山

甘草

大黃

知母 各貳兩

右爲細末煉蜜和元如梧子大每服十五元面東清淨水吞下

草豆蔻散 治老瘡久而不羗及山嵐瘴氣遠年不愈兼大治脾寒

草豆蔻

肉豆蔻 各貳箇並用麴

梓州厚朴

方圓貳寸壹半薑製壹半生

甘草

中拍大壹半生壹半炙

生薑

素大貳塊壹塊用濕布裹煨壹塊生

右咬咀分爲二大劑於發前臨曉用水一升煎取八合放至來早再溫服留滓再煎二次

辟邪丹 治嵐瘴瘡及痞疾等

菖豆

肆拾个

黑豆

叁拾个

好砒霜

半分

朱砂

兩粒如黑豆大

黃丹

炒壹分爲末

右件五味同入乳鉢內滴冷水元作十元每服一元以東南桃心七箇取井花水研向日吞服之醋水亦可其驗不具言經三五月患者只一元大段者只微寒若小可便絕去也

常山湯治瘧

常山

知母

甘草

各叁分

麻黃

壹兩

右爲鹿末每服五錢水二盞煎至一盞溫服以麋粥一盞取汗爲度去滓

乾漆元

若皮寒至骨湯火不能執厚衣不能溫然不凍慄

此由腎氣素盛恣慾太過水竭指枯髓不滿骨津華不充
於外所以不凍慄者非陽虛而為陰乘也名曰骨痺瘡久
久不治令攣手縮宜此

鹿茸 肆兩

生乾地黄 各肆兩

乾漆 半兩

附子 壹兩

右為細末酒煮麵糊和元如梧子大酒下三十元空服

七棗湯治瘡

大烏頭 壹个移七處炮熱剉碎

生薑

大棗 柒个

葱白 柒寸

右以水一小椀煎至一滿盞未發前一時辰去滓熱服

訖喫棗

太一神丹治久瘡不羸

上好砒霜

兩半

寒水石

兩壹

龍腦

麝香

各少許

右先研砒霜在鐵鉢內用寒水石末團之以埊碗合定濕帛封於碗上燒候煙出重紙黃色即止取出以紙襯於地上出火毒須更細研爲末以蒸餅水泡爲元如梧子大以朱砂作衣每服一元於發時早晨香上度過面北下用井花水吞下一元服後忌熱食魚麵五菓子數日永羸此藥合時須是端午日早合忌婦人雞犬孝子見如女人患男兒拈入口中令服立効此藥並不吐瀉患者可只一服必羸龍麝候砒霜經火後合研勻然後與饊餅和元

靈霜元治癰瘡時發大渴寒熱不定

砒霜

菜豆 各半兩

川大黃 壹兩

麝香 壹分

右為細末入研藥令勻煉蜜和元如梧子大夜露一宿發日平旦以冷水下一元臨發前再服一元忌熱物

桃仁恒山元治癰瘡發作不定但熱不寒宜服此方

恒山

桃仁

黃耆 各壹兩

香豉 壹合

右為細末水煉蜜和元如梧子大每至發日空心煎桃仁湯下十元於發時再一服

霜黃元治久瘡不羣

砒霜

硫黃

雄黃

雌黃 各半兩

右研細於新鉢子內先布鹽末於中即下諸藥於鹽上以坩碗蓋用六一泥封勿令泄氣以一二斤火養半日候冷以甘草湯煮半日出火毒細研以飯和元如菜豆大如大人患以醋湯下三元以青帶繫三元於臂上男左女右立差小兒服一元繫一元

淡豉烏梅元療瘡不問年月深遠

恒山

貳兩細剉散令乾
候微黃色別杵末

烏梅

貳拾个取肉
別研如泥

桃仁

肆拾枚去
尖杵如泥

淡豉

壹匙別
杵如泥

右四味各搗訖都入臼中搗一千下即出之爲元如乾即煉蜜相和令得所又搗一千下即成矣修合時不得令孝子懷妊婦人雞犬見大約藥效驗則如此若患者

但取發日平明飲下三十元如梧子大食時又二十五元至動時又十四元或下不吐重者服一服便差亦不忌口

鉉丹元療瘧神効

鉉丹

貳兩

人參

叁分

天雄

拾分

右三味爲細末煉蜜和元如梧子大粥飲下二元食前服萬不失一

三滿元療瘧百發百中神効方

恒山末

白蜜

生雞子白

右三味各一雞子殼於鐺中相和燉看元得即止旦四十元晚四十元粥飲下大約雞子白兩個方得一殼

丹砂元療寒熱相半兼治間日瘧子

丹砂

人參各壹

附子壹分半

右為細末煉蜜為元如梧子大煎竹葉湯下二三十元發前三服中病則吐或身習習麻木未中病加至四十元間日發前如法服中病即止

光明元治久瘧神効方

光明砂兩半

恒山壹兩

杏仁拾

右為細末研入朱砂令勻煉蜜和元如梧子大未發前以粥飲下十五元欲發再服

烏薑散治瘧

乾薑

良薑各壹兩並剉同炒紫色

右爲細末每服二錢未發前熱酒調服

拒虎膏治諸瘧

臙脂

阿魏

各壹大豆許同研

右二味以大蒜肉和爲膏用大桃核一个擘開去仁取一片以藥膏子填桃核內患者臨發時用藥桃核覆在手虎口上令藥着內以緋白繫定男左女右經宿乃去之疾更不發

真丹寒熱諸瘧發作无常心下煩熱

常山

二兩末

真丹

壹兩兩隔鉋子是號州真黃丹以兩隔鉋子帶觀炒色變用

右同研勻以蜜爲元如梧子大每服三元未發時三元已發時三元臨卧三元米飲下

靈砂散治瘡疾久不羸

附子 壹兩約
叁个者

靈砂 壹分

右將附子用麵裹炮以麵焦為度去麵并皮臍為細末與靈砂拌勻每於未發前冷酒調下一錢

神聖散治瘡

蛇皮 高處得者貳寸

右以燈焰上燒為灰入麝香少許同研細發前以葱白酒調下

治瘡疾久不羸氣躰羸弱

右大烏頭一箇端正者煨灰火中炮七遍不得焦了去皮臍碎切如米粒大以大棗七箇水一大椀生薑七片

葱白七寸慢火同煎至半碗未發前先用藥煮棗七個然後溫服

論曰夫瘧有日作者有間日而作者有先寒後熱先熱後寒者有寒多熱少者但熱不寒者然日作者瘧也間日而作者痰瘧也先寒後熱者寒瘧也先熱後寒者溫瘧也寒多而熱少者壯瘧也但熱而不寒者癰瘧也瘧脈自弦也多弦數者多熱弦遲者多寒弦小緊者可下之弦遲者可溫之數緊者可發汗針灸也浮大者吐之羌活數者風疾也以飲食消息去之凡治瘧於發前先用食頃以治之過則失時也心瘧不治他皆可治

多熱者白虎加桂湯及常山甘草前胡大黃作飲子服之

多寒者柴胡桂薑湯

小緊者可下用和胃元三粒妙

可吐者常山汁飲之

若瘧連年不解者由人躰虛邪傷榮衛耗弱正氣不能自

持故久而不去謂之勞瘧宜神精丹

方在中風門

此疾雖田舍

之人皆知之但有冷熱虛實之異今略論其一二擇其必

驗者以備倉卒若寒從背起冷大如手不甚戰慄以發熱

而汗出或即頭痛嘔逆時作其脉遲小此由脾胃素弱因

氣寒而水穀不能剋化聚而成痰陰上乘陽陽爲陰乘所

以作寒寒逼陽虛散而爲汗宜旋覆花元

方見頭痛門

若寒熱如瘧不時發腹滿膨亨起則頭眩大便不通或時

腹痛胃膈痞悶此由宿穀停留不化結於腸間氣道不舒

陰陰壅滯宜備急元方見頭

至聖纏金丹治赤白痢

朱砂

硃砂

已上各壹兩並細研水飛

巴豆

柒拾个去皮

黃蠟

拾兩大

右先鎔蠟作汁煮巴豆焦色去巴豆不用然後入前藥二味在蠟內搜和成劑有患旋元大人豌豆許一元小兒菴豆許一元驟泄新汲水下赤白痢黃連艾湯下白痢艾湯下赤痢黃連湯下如合劑後止用金箔裹之老人肌瘦亦可服甚者不過再服立愈神妙並空心服服訖忌熱物少時

香和元 治積無等

豆豉

搗為末

大蒜

去皮研如泥

右二件無分兩合和成劑為度元梧桐子大每服二十至三十元溫熱水下先進纏金丹次方服此元子

藁菓飲子

治脾寒瘧疾

草菓

川芎

白芷

紫蘇葉

高良薑

甘草

青橘皮

右等分為末每服二大錢水一盞煎至七分去滓執服留滓二服併一服當發日連進三服立見効

潑雪元

治五勞七傷陰汗盜汗夜多小便沉寒故冷脾胃

虛損久不思飲食消渴腹脹翻胃吐逆腹中絞結疼痛肺

寒咳嗽寒痰不利口吐酸水五瘧脾寒泄瀉一切冷疾並
宜服之

草撥

人參

茯苓

去皮

乾薑

炮各半兩

桂心

半兩

訶子

壹兩半炮去核

胡椒

半兩

良薑

壹分

右為末蜜元梧桐子大每服三十元空心米飲下

瘧丹

小實黑豆

肆拾玖個

砒霜

半分

雄黃

壹分

右用端午日搗羅研為細末滴水和元梧桐子大每服一
粒於瘧未發前一夜食後臨卧服忌生冷油膩熱物一
伏時欲服藥時先喫溫冷淡飯一頓於稍空時臨卧服
藥尤妙合時忌雞犬婦人見懷胎婦人不得服如急用

不必端午日合

參濕湯

一名辛木湯

蒼朮

伍兩
去皮

陳橘皮

細辛

去
葉

厚朴

去
皮
薑
製

縮砂仁

附子

連
皮
去
脂

桂

去
皮

肉豆蔻

乾薑

連
皮
去
水

丁香

甘草

炙
甘草

右為鹿末每服二錢水一盞入生薑三片棗一枚同煎至六分去滓食前溫服

草豆蔻散

一名常山飲子治瘧疾因外邪客於風府生冷

之物內傷肺胃或先寒後熱或先熱後寒或寒熱獨作或連日發或間日一發寒則肢體顫掉熱則舉身如燒頭疼惡心煩渴引飲氣息喘急口苦咽乾脊脊酸疼腸鳴腹痛

諸藥不効漸成勞瘵者此藥治之

知母

貳斤

常山

貳斤用老

烏藥

壹斤槌碎

草蓂

貳斤

甘草

貳斤炙

高良薑

貳斤兩

右爲麋末每服三錢水一盞生薑五片棗五箇煎至七分去滓溫服

雞峯普濟方卷第十四